

HUEZ COMISARIO A PROLONGA DETENCION DEN CASO DI DROGA



Manera nos a publica caba dialuna ultimo, cu diasabra madrugá Guardacosta di Antiyas y Aruba a intercepta un total di 50 kilo di droga cu tabata riba un kayak den boca di Barcadera. Na tal ocasión a detene Carlos Quandt, kende no ta un desconoci pa polis. Despues e oficialnan di Guardacosta a alerta Sección di Crimen Organisa (S.G.C.) di polis pa haci investigación n’e costanan, y asina un poco pariba di Parke Wilhelmina a detene un otro sospechoso di fam Otwyn A. Houtman, (28) kende a ser haya cu un trailer p’e kayak. Diamars mainta ambos sospechoso a presenta dilanti di Huez-Comisario kende a haya ta necesario p’e 2 sospechosonan aki keda deteni, asina pues nan detención a keda prolonga.

Diaranson 21 di Oktober 2009 | Margrietstraat 3 | Tel: 583-1400 | Fax: 583-1444 | noticia@awemainta.com **awemainta.com**

**SERVICIO DI
IMPUESTO CLA
PA KITA BBO**

**FEPA SORPRENDI CU
DECLARACION
DI DIRECTORA DI DEPT.
DI ENSEÑANSA**

**SEPARACION DI
ADUANA LO COSTA
ARUBA MAS PLACA**

LADRONICIA DI VUURWERK



Diamars atardi a drenta informacion cu ladronnan a kibra drenta den un container cu tin na "Wela", e sitio unda ta warda tur cosnan peligroso. Mesora a dirigi un unidad di Recherche n’e sitio.

PROBLEMA NA WAF



Ayera na waf tabatin un diferencia di opinion entre e operadornan di tour pafor di tereno di waf y polis. Ultimamente tin algun tour operator nobo cu a bin y nan lo ta dañando pa e otronan cu tin mas cu 10 aña trahando. Polis tabata hopi tolerante pafor di waf, pero pa falta di respet di un operador nobo nan a actua y cumpli cu ley al pie de la letra.

MultiMedia
expo cas 2009
DOORPRIZE AFL 2,500
FALTA 2 DIA!
23, 24 & 25 OCTOBER RENAISSANCE CONVENTION CENTER
FRIDAY 23: 6-9 PM | SATURDAY 24 & SUNDAY 25: 12-8 PM

**600 MIEMBRO
MENOS PAFTA**

Haciendo un denuncia serio di negligencia pesey

Fundacion Enseñansa pa Aruba (FEPA) sorprendi cu declaracion di Directora di Departamento di Enseñansa



CU hopi asombro directiva di fundacion FEPA a tuma nota via medionan di comunicacion di e comentario di Directora di Departamento di Enseñansa, drs. Rosleen Oduber tocante enseñansa pa adulto despues di su bishita na Formador mr. Mike Eman. Na prome lugar mester menciona cu desde 2003 tin un raport “Volwasseneducatie op Aruba; ontwikkelingslijnen voor de toekomst” traha p’e Minister di Enseñansa anterior bao guia di e comision di drs.

Ralph van Breet, cu a bin cu recomendacionnan con pa mehora y bin cu un maneho pa cu enseñansa pa adulto. Awe nos ta 6 aña mas leu y Gobierno (nan) no a haci nada pa cu enseñansa pa adulto. Lo contrario no a duna ningun atencion na enseñansa pa adulto.

Nos fundacion (FEPA) a lanta cu e meta pa promove enseñansa pa adulto muy especial p’e adulto logra obtene su MAVO diploma den un aña. Mester menciona cu nos tin dos studi-

ante cu a cuminsa cu nan educacion basico, caba nan MAVO serca nos y awedia ta studiando ley y uno a caba su HBO diploma den jeugdwerk. Hopi tata cu yiu of mama cu yiu a logra cu exito un diploma den transcurso di añanan. Cu esaki nan a mehora nan calidad di nan bida. Durante e ultimo añanan nos fundacion a amplia nos cursonan pa onderstandtrekkers, ex-presonan y ultimo tambe curso di alfabetisacion p’esnan cu no por lesa of skirbi. Pa ultimo 3 aña nos fundacion no a haya ningun oportunidad y ningun cita cu e Minister di Enseñansa of cu Directora di Departamento di Enseñansa tampoco. Nan no a muestra ningun clase di interes pa yuda nos fundacion den promove enseñansa pa adulto. E Directora drs. Rosleen Oduber ta papia cu mas cu 75% di Aruba no tin un MAVO diploma, pero mester menciona cu hopi persona tin interes pa studia, pero na Aruba e posibilidnan ta hopi limita mes. FEPA a haya cooperacion di varios instancia na Hulanda of den Latino America pa organisa cu curso/estudionan riba diferente nivel pa nos pueblo di Aruba, pero Gobierno nunca a coopera cu nos. Mas a leu FEPO mester bisa cu no ta reconoce diplomanan obteni den exterior na cierto scol-institutonan maner LOi, NTI, NHA y hasta na

Aruba. Minister, Departamento di Enseñansa y un Inspector en especial ta dicidi cua diploma si of no nan ta reconoce. Un caso sigur cu nos mester menciona t’e caso di MO-A pedagogiek cu dia 17 juni 2009 algun estudiante despues di a studia 5 aña hopi duro a gana den Corte. Un diploma cu te ainda ta hasta den leynan di Aruba, un opleiding hopi bon riba nivel.

Por ehemplo tambe a para e opleiding di verslavingszorg sin cu a bin cu un otro opleiding na su lugar, di e manera aki no por yuda educa nos adiconan cu tambe mester haya ayudo riba tereno di enseñansa pa por reintegra nan den comunidad bek. Pero dor cu ta un opleiding cu a cuminsa durante un otro Gobierno e Minister, sigur Departamento di Enseñansa y e Inspector mayor no kier reconoce e diploma perhudicando e studentenan cu a gana nan caso. E studentenan a gasta mas di Afl. 20.000,-- na abogado so sin conta un Afl. 25.000,-- mas n’e estudio. Pues no solamente no a haci nada pa nos adultonan, pero tampoco pa nos maestronan. Esaki a trece un demotivacion cerca tanto hobennan y adulto pa sigui studia y obtene un diploma, segun FEPO.

A acerca Gobierno hopi biaha pa haya un edificio bandona di Gobierno pa nos por traha un oficina y leslokalen pa sigui

promove enseñansa bao di esnan menos afortuna den nos comunidad, pero nunca a haya contesta. Mester menciona cu Gobierno a casi elimina Enseñansa pa Empleo (EPE) dor di no duna casi ningun curso mas y no a reorganisa e departamento aki pa yuda adultonan cu kier sigui studia y haya un mihor trabao. Avondleergangen no a mehora nada despues di pone un pensionado cobra cantidad di placa sin cu e cantidad drop-outs a baha of cuminsa cu cursonan nobo pa nos adultonan riba diferente nivel. Pesey mes FEPO a keda hopi sorprendi cu e declaracion di drs. Rosleen Oduber, ya cu ultimo añanan no a muestra ningun clase di interes pa cu enseñansa pa adulto. Si e Gobierno nobo no haci nada nos lo haya problemanan grandi ora cu na aña 2025 Aruba mester ta basa riba loke nos ta yama un kenniseconomie. (economia di conocimiento).

E Gobierno nobo mester cuminsa cu un campaña na prome lugar pa motiva tur adulto pa studia, duna subsidio unda mester pa cu nos adultonan por studia y crea oportunidad pa tur ciudadano riba e pais aki, según dirigencia di FEPO. Cu otro palabra un Gobierno mas humano y cu porta habri pa scucha tur esnan cu tin bon ideanan pa mehora nos enseñansa den su totalidad.

Servicio di Impuesto ta kere cu servicio di aduana mester keda bou di nan

Separacion lo costa Pais Aruba mas placa

SADA a reuni cu Formador Mike Eman caminda nan a presenta diferente preocupacionnan y cambionan cu nan lo desea di mira. Un di e puntonan principal ta e separacion di Servicio di Aduana for di Servicio di Impuesto.

Den conversacion cu directora di Servio di Impuesto, Ritsza Hernandez el a duna su comentario riba e situa-

cion aki.

El a bisa cu nan ta habri pa turcos, cu si e ta mihor pa e cuerpo, pero di otro banda SIA tin un diferencia di opinion cu nan. SIA tabatin un stuurgroep cu a presenta un rapport caminda ta ilustra cu ta mas costoso pa Aruba pa bay separa e servicio aki pasobra e ora ey mester busca mas hende por ehempel pa e parti di IT, mester inverti

atrobe y asina nan ta kere cu ta innecesario.

SADA tambe tin un rapport y Ritsza Hernandez ta kere cu nan dos por bay wordo evalua, tin un comision independiente cu lo scucha SIA, SADA, ATIA entre otro pa duna nan opinion di kico lo ta mihor.

Pa loke ta e parti di falta di participacion, Hernandez no ta

kere cu esaki ta e caso pasobra den e stuurgroep cu a wordo lanta tabatin diferente comision y nan tabatin full participacion den dje, nan por a trese tur nan puntonan. Ademá a traha un rapport unda cu nan tambe por a duna nan comentario riba dje.

Pa loke ta trata e condicion di e edificio di Aduana, Ritsza Her-

nandez a expresa cu den e nota cu nan a entrega na Formador, esaki ta un di e puntonan di atencion. El a bisa cu ya caba tin un tereno otorga na Barcadera pa Aduana y SIA sigur lo kier pusha pa yega na un edificio nobo pa nan, pasobra no solamente e edificio actual ta den mal estado, pero su ubicacion tambe ta fastioso pa e clientenan.

Reduccion di BBO na mitad y impulsonan nobo pa revitaliza economia di Aruba

Dos punto importante cu ya caba a cuminsa traha riba nan



DESPUES di e reunion cu Mike Eman, den su rol como Formador, tabatin cu Servicio di Impuesto (SIAD) el a comenta riba esaki. El a bisa cu SIAD tin su plannan cu ta wordo prepara pa e siguiente añanan caminda nan ta trahando riba reorganisacion y e aspecto di automatizacion di e departamento di impuesto ainda ta den desaroyo.

A toca algun punto di cambio di maneho pa futuro. E gobierno nobo tin poni pa 2010 cuminsa e promer reduccion di BBO caminda 3% ta bira 1.5% y a bisa SIAD cu e aspectonan di e menos entrada cu Gobierno lo haya dor di corta den

esaki no mester strobanan di cuminsa haci e trabounan cu nan tin cu haci. SIAD a pidi un cierto cantidad di simannan pa haci e preparacionnan pa e software di impuesto caminda mester trese e cambio pa loke ta e cifra.

Mike Eman a bisa cu a sinti si tur boluntad pa traha riba e maneho nobo aki, SIAD tin un tarea importante den esaki pa loke ta trata e informacion na tur esnan cu ta paga BBO cu cierto anticipacion cu e cambionan aki ta biniendo.

Tambe el a bisa cu a sinta cu algun funcionario di Finansa cu tambe lo cuminsa traha di

biaha riba e cifranan pa lo cual ta trata e impuesto cu ta bay haya menos y unda ta bay aloca fondonan pa yuda cubri e bura-

conan cu ta bay wordo crea cu e reduccion di BBO.

Mirando cu SIAD a indica cu te cu fin di september tin un caida di entradanan di impuesto di alrededor di 57 miyon compara cu loke a wordo presupuesta pa 2009, Formador a indica cu si e tendencia aki sigui lo supera 60 miyon florin di menos entrada cu Pais Aruba ta haya. E ta kere cu esaki ta entre otro dor di e demoralizacion di economia causa pa introduccion di BBO, e recesion economico internacional y p'esey a papia cu

gremionan comercial y sindical cu mester bin impulsonan nobo pa economia di Aruba. Ya caba siguiente Gobierno ta trahando riba dje, caminda lo tin inversion pa renovacionnan y revitalizacion di centro di ciudad, nos barionan y e scolnan cu a wordo poni como prioridad pa construccion cuminsa hopi rapido. Esaki sin duda lo yuda economia di Aruba pasobra na e momentonan aki mester di inversion y Gobierno mester ta esun cu ta cana dilanti den esaki.

Servicio di Impuesto cla pa introduci e cambionan cu Gabinete Mike Eman I kier bin cune

Entrante 2010 BBO lo baha na 1.5%



SERVICIO di Impuesto tabata den reunion cu Formador unda cu diferente representante a acudi na esaki. Ritsza Hernandez, directora di Servicio di Impuesto (SIA) den un entrevista a splica un tiki riba e desaroyo di e reunion.

El a indica cu e reunion a bay hopi bon, Formador a duna inicialmente un splicacion amplio di kico nan intencion ta y despues SIA a presenta nan puntonan di preocupacion y kico nan lo kier mira den prox-

imo 4 añanan. A intercambia hopi bon di opinion caminda cu cierto cosnan pone den e programa di gobernacion manera simplifica belasting ta algo cu SIA tambe kier.

A papia tambe riba BBO caminda a elabora con su eliminacion por wordo haci y un posibilidad ta pa reduci esaki na 2010 cu mitad te na 1.5%. "Si Gobierno dicide esey nos por logra esey. E ta un cambio gewoon di tarifa", segun Ritsza Hernandez a duna

di conoce.

Mas aleu el a indica cu dor di e recesion di economia cu tin entradanan di Gobierno a cay cu aproximadamente 57 miyon te cu fin di september. Esaki tin su efecto sigur pa caha di Gobierno y asina mester bay wak den e gastonan con pa reduci esakinan. Algo cu e por a compronde cu e Gobierno nobo ta bezig cune caba pa medio di un nota van wijziging cu ta pone cu lo bay baha e presupuesto cu X suma.

Hof a haya nan culpable

Complicenan di malversacion na Landslaboratorio a haya mas castigo

YOLANDA Vrolijk y Jacqueline Geerman a haya un baño di awa frieu, ora nan a wordo informa cu Corte Superior na Corsow a dicta sentencia y a aumenta e castigo.

Den Corte den Prome Instancia Fiscal a exige 3 aña di prison pa Yolanda Vrolijk y cu pa 5 aña e no por traha den Gobierno.

Pa Jacqueline Geerman a exige 4 aña di prison y cu pa 5 aña e no por traha den Gobierno. Huez di Corte den Prome Instancia a condena Yolanda Vrolijk na 180 dia di prison di cual 106 dia ta condicional, kitando e dianan cu e tabata sera, mientras cu pa Jacky Geerman a impone 240 dia di cual 157 dia ta condicional kitando e dianan cu e tabata sera.

Ministerio Publico a apela e sentencia y a expresa cu e no ta di acuerdo cu e sentencia y a exige e mesun castigo. Corte Superior a trata e caso luna pasa y a dicta sentencia na Corsow caminda nan a haya tanto Yolanda Vrolijk como Jacqueline Geerman culpable. Yolanda Vrolijk a wordo condena na un aña di prison, mientras cu Jacky Geerman 2 aña di prison. T'asina cu e abogado nan mr. Illis y mr. David Kock a apela e sentencia aki.

Problema entre tour operatornan y polis ayera dilanti waf

Nobonan ta dañá pa bieunan y tur ta wordo perhudica



AYERA na waf tabatin un diferencia di opinion entre e operadornan di tour pafor di tereno di waf y polis. Ultimamente tin algun tour operator nobo cu a bin y nan lo ta dañando pa e otro nan cu tin mas cu 10 año trahando. Polis tabata hopi tolerante pafor di waf, pero pa falta di respet di un operador nobo nan a actua y cumpli cu ley al pie de la letra.

Den entrevista cu Benny Bikker, mayor di polis cu ta coordina e visibility team el a splica tocante e situacion aki.

El a cuminsa na bisa cu ultimamente nan no ta respeta polis mas, nan ta bira un poco on-sportief y asina polis a dicidi cu pa buena marcha tur hende bay para den parkeerplaats patras.

Tambe el a bisa cu mirando e parti di orden publico caminda cu seguridad ta wordo tresi den peligro dor cu tin varios bringamento tumando lugar eynan cu polis mes ta solucionanan, pero cu ta yega un momento cu pa evita cu e bira lo peor a dicidi di bin cu un accion pa tur bus bay para den parkeerplaats pa despues wak si por bin cu un solucion despues. E ta splica cu e paso aki no ta strobanan di traha caminda tur cos por bay netjes y na ordo.

Benny Bikker ta indica tambe cu no ta facil pa atende cu e hendenan aki, cu hopi biaha nan ta bira agresivo hasta entre nan mes y ta bringa cu otro. E tour operatornan aki no ta bay paden pasobra paden ta yen

caba y e ora ta haya hopi strobamento di trafico.

Mientras tanto a logra entrevista tambe cu Calyle Nicholson tour operator cu mas di 23 año trahado den e ramo di turismo y haciendo tour. El a bisa cu nan derecho a wordo trapa. Segun su declaracion, eigenlijk nan mester traha paden, pero awor nan ta traha pafor y ayera nan a wordo bisa dor di polis cu nan no por para eynan mas siendo cu ta eynan nan ta gana nan pan. “Cos ta duro, season a caba di cuminsa y no tin lugar pa para pasobra nan kiermen cu nos no por para aki for. Si nos no por para aki for unda nos tin cu bay para?”.

E ta bisa cu pa bay busca turista y hibanan te patras e no ta mus-

tra profesional y ta puntra ta con ta bay duna e servicio como tour guide. Tambe e ta bisa cu un turista tin cu wak den kico e ta bay aden, cu no por bay cune patras y pone den un van sin airco por ehempel. “You selling what you seeing”.

Mas aleu e ta critica e discriminacion cu tin caminda tin cierto operadornan ta traha paden y otro nan pafor, Calyle Richardson ta expresa cu minister a duna un vergunning y esaki mester ta mescos pa tur hende y no existi discriminacion.

Glenda, un persona trahando pa hopi año den sector turistico como tour operator a bisa di su banda cu el a traha hopi año paden y cu e no ta willing pa bay paden pasobra ey mester

bay om de beurt y tin biaha nan ta sali y otro nan no. Pafor ta nan ta sali dos pa tres biaha. E ta bisa cu esunnan cu ta bin nobo ta bin dañá tur cos pafor, pasobra “nos ta djaca bieu caba den e trabou aki, nos sa e trabou aki, anto a nan cu ta nobo awor aki no por competi cu nos cu sa con nos ta market aki for y nan ta bin dañá pa nos”. Aki Glenda ta referi cu nan kier bringa cu polis, habri boca, baha prijs, entre otro. Segun e ta bisa si tur hende cera cabes riba un prijs nan ta sali. “Mi ta para pa mi prijs pasobra mi ta un profesional tuour guide mi ta ofrece un quality tour y no un quantity tour, pesey mi ta para riba mi prijs y e turistanan ora nan bin bek ta bisa excellent tour”.

FTA a perde riba 600 miembro di biaha

E ta ilustra e situacion den cual e companianan na Aruba ta pasando aden



DEN un conferencia di prensa di FTA, su presidente Rudy Geerman a comenta riba e perdida di mas cu 600 miembro den un solo tiro. El a splica cu nan a perde un total di 635 miembro cual ta un cantidad hopi halto mas ainda mirando cu hopi sindicato no tin ni sikera e cantidad di miembronan aki. Awor FTA a keda cu un cantidad di riba 2 mil miembro.

Motibo pa cual nan a perde asi-

na hopi miembro ta e cantidad di contratistanan cu a cera, den construccion nan ta mandando hende cas sin conta e 150 permiso cu ta wordo pidi awor aki pa dos compania grandi pa bin cu trahadornan.

Esaki segun Geerman ta un refleho di loke ta pasando na e momentonan aki na Aruba cu e companianan y cu awor na Aruba ta pasando loke na Merca ya a tuma lugar.

E situacion aki tambe tin su consecucionan financiero pa FTA pasobra e ta encera un perdida di entrad agrandi mirando cu cada miembro ta contribui cu un suma di 28 florin pa luna.

E mesun situacion aki a tuma lugar na 84-85 na momento cu e refineria Lago a cera. FTA tabatin e tempo ey 5 mil miembro y tabata e sindicato mas grandi di Antiyas, y ora lago a cera nan a perde casi 60% di nan

miembronan.

Un punto cu Rudy Geerman a bin dilanti cune den mesun cuadro aki ta cu FTA cu no ta proactivo, nan no ta cana bay den empresanan pa busca miembronan y mas bien ta e empleadonan ta acerca e sindicato. Si cambia esaki, tin un caminda cu nan lo por crece y na e momentonan aki ta bon pa evalua loke tin, traha riba dje y despues e ora ey bay pa crecimiento.



Formador den reunion cu gerencia di aeropuerto

No por ofrece aerolineanan nobo hopi mas di loke ta ofrece esnan cu a sirbinos hopi aña

FORMADOR Mike Eman a reuni cu gerencia di aeropuerto caminda a trese dos punto cu AVP a trese durante eleccion padilanti. Regreso di KLM y di diferente vuelonan di American

Airlines bek pa Aruba. A pidi directiva di aeropuerto pa duna nan punto di bista riba e perdida di vuelonan di American Airlines y tambe KLM. Nan tin pa loke ta KLM e pensamiento

cu parti di e decision ta uno cu tin cu atende cune den cuadro di Hulanda-Union Europeo, y segun Eman e trayecto aki lo wordo cana pa trese KLM bek. A pidi aeropuerto pa unda cu nan por duna e aporte y muestra e interes mirando cu tin un contrato di management cu Schiphol y KLM ta forma di e Reinado Hulandes unda cu entre nan dos mester por tin liñan di contacto cu mester por yuda Aruba den e proceso di por bin Aruba bek. Mescos ta conta pa American Airlines. Aeropuerto ta pensa cu e aerolineanan cu a bin acerca maenra Jet Blue ta algo bon pa loke ta trata desarojo di aeropuerto y pasaheronan pa Aruba. Gobierno nobo ta comparti e opion cu mas aerolinea ta bon, pero si ta kere cu partnernan strategico cu aña aden aña afor a muestra cu nan t'ey pa sirbi Aruba mester wordo muestra un tiki di lealtad pa sigura cu no ta riesga relacionnan mucho mas duradero pa un cu lo por ta pasahero. A pidi aeropuerto pa tene cuenta cu e aspecto aki, esta cu nos tin partnernan strategico di hopi aña pa cuida e relacionnan ey y no core busca un otro a custia di lo cual nos no ta ofrece esnan cu a sirbi nos hopi aña. "Esey no ta kita cu nos no mester ta activo y dinamico pa busca aerolineanan nobo y sigur mester ofrecenan incentivan cu por tresenan akinan pero semper corda cu nos no por bay asina leu cu nos ta ofrecenan hopi mas cu loke nos ta ofrece esnan cu a sirbi nos hopi aña", Mike Eman a duna di conoce.

Atencion Studentenan Hoben!!!

Competencia di Skirbimento

Pa tur hobennan entre 10 cu 15 aña.
Participa den nos competencia di skirbi carta
y gana hopi premio!

1^{er} Premio

3 Round-trip Tickets pa Miami

2^{do} Premio

Lenovo Laptop
ANTRACO ARUBA GROUP

3^{er} Premio

Weekend stay na **Holiday Inn**
SunSpree Resorts

Hiba bo carta na postkantoor Oranjestad
di Oktober 9 te cu November 6, 2009

E tema ta:

*Skirbi un carta na un persona pa splic'e
pakico ta importante pa papia tocante
AIDS y pakico proteha bo mes contra dje.*

No perde bo chance di expresa bo mes y gana.

Pa busca e reglanan y bo fomulario
di inscripcion, tuma contacto cu bo
meneer di skol of pasa na Postkantoor
Oranjestad na Klantenservice.

Contribucion adicional:

Top 95
Most Requested Songs

Radio 91.5
Aruba

Radio 100.1
Aruba

FREEWAY
FULL SERVICE ADVERTISING
AND MARKETING AGENCY

ProGraphics
DIGITAL PRINTING

post aruba

'Relating People'

Post Aruba N.V.
J.E. Irausquinplein 9
Tel.: 582 1900 / 528 POST
customerservice@postaruba.com
www.postaruba.com

AWEMainta
e corant di tur

Nos e-mail:

noticia@awemainta.com

Tel: 583-1400

Fax: 583-1444

Maske cu ainda no tin cambio di aña

Tin hopi vuurwerk caba riba mercado, debi na ladroncia na Wela

Diamars atardi a drenta informacion cu ladronnan a kibra drenta den un container cu tin na "Wela", e sitio unda ta warda tur cosnan peligroso. Mesora a dirigi un unidad di Recherche n'e sitio.

Na yegada di e oficialnan di Recherche di distrito di Santa Cruz, nan a constata cu e ladronnan a kibra e candal grandi cu tabata poni riba e container y a drenta horta. Unabes den e container nan a reboltea tur e cahanan, despues na nan salida nan a pone otro candal, pero despues nan lo a bolbe atrobe, ya cu e candalnan ey ta di mal calidad. Investigacion ta sigui, y maske cu ainda fin di aña no a yega, eyfo mester tin hende cu un cantidad di vuurwerk cla pa bende of pa propio uso. Si boso tende of wak hende tira vuurwerk den e dianan aki yama polis mesora, ya probablemente lo ta trata di e vuurwerk horta. E doño di vuurwerk ta Caribbean Fireworks, kendenan tambe a ser poni na altura di e kiebrot y robo for di den su container.



Varios patruya di polis a bay atende un problema na Sabana Liber cu a escala y a bira un pleito unda tabatin machete den wega



TA BUSCA URGENTE/ WANTED URGENT

FOR AN EXCLUSIVE SALON / SPA IN A RESORT

WE ARE RECRUITING
EXPERIENCED THERAPISTS / HAIRSTYLISTS

PLS CALL FOR AN APPOINTMENT
CELL: 5920758 BETWEEN 10:00 AM – 14:00 PM

LOCALS PREFERRED; ENGLISH A MUST!!

DIAMARS mainta varios patruya policial a ser dirigi na un adres na Sabana Liber unda tabatin un discusion cu a escala y a bira un pleito unda te hasta machete a cay aden.

Na yegada di polis tabata trata un caso unda tabatin un problema, pero no tabatin machete involvi. Polis a intermedia y a conseha ambos partido e pasonan cu cada un mester tuma.

Biba mihor

“AYO  % BBO!”

Promer di November henter Aruba lo tuma despedida di BBO ariba tur auto financia via CMB.

Eliminando e BBO ariba autonnan nobo te cu fin di aña, CMB efectivamente ta percura pa tur cliente haña e mihor deal posibel cu e **PAGO MENSUAL** di mas abo na Aruba: **GARANTISÁ!**

AYO BBO!

Asina mes. Nos ta yuda'bo bisa “AYO BBO!”, pagando e 3% di impuesto aki pa tur cliente cu dicidi di financia nan autonnan via CMB durante November y December 2009.

Prijs di auto Inclusivo BBO	Pago Mensual "AYO BBO!"
25,000.00	552.00
35,000.00	766.00
50,000.00	1,088.00
70,000.00	1,517.00

E ehempelnan di calculacion aki ta basa ariba
100% financiamiento y pa un periodo di 5 aña.
Downpayment y otro terminonan tambe lo
wordo evaluá individualmente.

HALLO RSA!

Seguro di Auto cu prijs reducí y condicionnan via CMB su partner Royal Sun Alliance.

CON TA KOMPA!

Kompa Leon di 1,000.00 florin pre-aprobá. Un producto unico pa Aruba y Antiyas di MCB Group.

BON BINI SERVICIO RAPIDO!

Representantenan di CMB lo procesa tur aplicacion den tempo record y cu e atencion pa cada cliente individual.

Bishita bo agencia di auto preferí, shop pa bo auto nobo y exihí bo deal cu e pago mensual di mas abao: **AYO BBO!**



CMB

CARIBBEAN MERCANTILE BANK N.V.

Main Branch Tel: 582-3118 • San Nicolas Branch Tel: 584-6804 • Boulevard Branch Tel: 582-5528 • Noord Branch Tel: 586-0200
• Santa Cruz Branch Tel: 585-3777 • Airport Branch Tel: 582-3274 • Retail Loans Division Tel: 582-1873

Caribbean Mercantile Bank N.V. ta reserva e derecho di aprobacion di tur aplicacion cu wordo presenta na su oficianan.
E relacion entre Caribbean Mercantile Bank N.V. y su clientenan ta wordo determina pa e “Condicionnan General di Banco.” Interes anual ta 10.4%, mientras cu interes efectivo incluyendo tur cargonan y primanan ta maximo 11.6%.
E oferta y programa di financiamiento aki ta valido te cu December 31, 2009.

www.cmbnv.com

Den cuadro di Siman di Prevencion di Candela

Bomberonan di Valero a duna demostracion na alumnonan di St. Rosa College



ALUMNONAN di St. Rosa College a haya un demostracion di combattimento y prevencion di candela duna dor di e bomberonan di Valero. Esaki ta den cuadro di celebracion di Siman di Prevencion di Candela di Valero. Fuera di esey, a duna un demostracion tambe di nan equipo di rescate y nan hoogwerker. Sr. Stamper a duna splicacion cu normalmente e demostracion aki ta ser duna na scolnan na San Nicolas, pero e biaha aki a bin Playa. E demostracion ta con combati un candela den cushina, of den cas y e muchanan por a mira

un video, con pa actua ora di un candela. Tur e accionnan a tuma lugar dilanti di Misa San Francisco na Playa.



Na Seroe Blanco dama chofer involvi den accidente



DIAMARS atardi tabatin un accidente cu hende herida na Seroe Blanco. Na yegada di e patruxa policial, nan a constata cu un dama chofer bayendo nort a bay bira na man robes, pero el a bira net dilanti un otro auto bayendo zuid. E chofer bayendo zuid a purba desvia, pero tog a dal e auto di e dama y despues di e impacto el a bay dal riba un muraya, mientras e auto di e dama a bira 180 grado.

Ambulance a presenta n'e sitio a atende e dama y a transporte cu urgencia pa hospital. Departamento di Trafico a bay n'e sitio pa haci investigacion di e accidente aki.

Autoridad a detene e sospechoso envolvi den varios caso di ladronicia

Relaciona cu varios caso di ladronicia, recientemente autoridad a detene e sospechoso R., kende ta ser sospecha di a kibra y horta den varios establecimiento. Awor cu e ta deteni, e ta cantando y pronto por sa mas di su actonan, pa cual e lo bay presenta dilanti di mesa berde.



MartinAir cu un interline agreement cu Air Tran, pa bula pasahero pa Aruba



Leidinggeven aan professionals? Niet doen!

Leidinggeven aan professionals? Niet doen!' gekozen als Managementboek van het Jaar 2008.

Er zijn routinematig en innoverende professional, cosmopolitisch en lokaal ingestelde professionals, jonge high potentials, productietijgers en oude meesters. Ieder van hen vereist een andere managementstijl. Leidinggeven aan professionals betekent dus ook durven differentiëren, want niets is ongelijk, als de gelijke behandeling van ongelijken.

Door Dr. Ir. Mathieu Weggeman, die op een inspirerende wijze op deze interessante dilemma's waarmee managers te maken hebben zal ingaan.

Datum	: vrijdag 23 oktober 2009
Tijd	: 8:00 a.m. – 17:00 p.m.
Locatie	: Hyatt Regency Hotel
Kosten	: Afl. 750,- p.p. inclusief lunch, trainingsmateriaal en Managementboek van het jaar 2008
Taal training	: Nederlands
Doelgroep	: Lijnmanagers, HR Managers en een ieder die coacht en leiding geeft
Bevestiging deelname	: Irma Figaroa, ifigaroa@deloitte.com Uiterlijk dinsdag 20 oktober 2009
Telefoon	: (+297) 5826235

It's your future. How far will you take it?

Deloitte.

DESPUES di 2 aña ausente, MartinAir diahuebs ultimo, a bolbe reanuda su buelonan (3 pa siman) for di Amsterdam pa Orlando, Florida. Y for di awor caba a anuncia cu na zomer awor, nan lo aumenta e buelonan aki pa 4. Manera ta conoci, MartinAir a dicidi di cancela su buelonan di Amsterdam pa Miami, despues di ta bula e ruta aki pa hopi aña. Te ainda no tin motibo mucha cla, pakico a stop e buelonan aki, pasobra e tabata rendabel. Awor cu MartinAir a dicidi di bolbe bula pa Orlando, y tumando nota cu Air Tran tambe a anuncia di bula buelonan di Orlando pa Aruba, e dos companianan aki a expresa e deseo di yega na un interline agreement, unda Air Tran ta dispuesto pa tuma pasaheronan cu ta bula for di Amsterdam pa Orlando pa trece nan Aruba.



**HOTLINE
733-8477**

Despues di basta buscamiento

Autoridad a logra captura e sospechoso Lesley Rosaria, kende ta sospecha di varios caso di atraco y ladronicia



DIAMARS mainta a aparece dilanti Huez-Comisario e sospechoso Lesley Rosaria, despues di cu e tabata ser busca pa varios dia. Pero diasabra ultimo, Lesley Rosaria a haya su Waterloo, ora cu a logra capture p'asina pone responsabilise pa multiple crimennan cu el a comete. Despues di a revisa e investigacion cu Recherche ta haciendo Huez-Comisario a dicidi di prolonga detencion di Lesley Rosaria.

"Mona" t'e ladron cu a kibra drenta horta na Panaderia Moderna



DIAMARS mainta Huez-Comisario a atende cu varios sospechoso cu a bin dilanti pa evalua si nan detencion a sigui e proceso corectamente. Entre e sosopechosonan a bin dilanti, tabata e choller "Mona" kende t'esun cu a kibra y drenta Panaderia Moderna pa horta, pero cu un bon trabao tactico polis a logra capture. Despues di cu Huez-Comisario a revisa e documentonan di e caso a haya cu ta mas cu husto p'e keda deteni.

Debi na mal estado di e edificio

Servicio di Impuesto no por duna servicio na oficina na Savaneta


Rifa di Cas di Aruba Lions Club

Di un balor di Afl. 230.000.00

Situa na Koyari 37-D, consistiendo di 3 kamber, living room, 2 baño, cushina y dinning room 105m2 construi riba un tereno di 769m2 erfpacht

Rifa ta hunga dia 6 di november awor

Cumpra di bo, pabo ta den wega y por bira e feliz ganador



SERVICIO di Impuesto ta participa na tur cliente cu no por duna servicio mas na Oficina di Gobierno na Savaneta. Esaki ta pa un periodo indefini y ta debi n'e mal condicion di e edificio cu actualmente no ta apto pa uza. E clientenan di Servicio di Impuesto cu mester haci pago por acudi na Oficina di Gobierno na San Nicolas, Santa Cruz of Paradera of na oficina principal na Camacuri. Tambe ta posibel pa haci pago na banco of via internet.

**DANKI
PA YAMA**



E celular aki
ta dibo si
bo tip
conduci na
un articulo
exclusivo

HOTLINE
733-8477



Construction Equipment Rental Depot N.V.

Bushiri 32 - Tel 588 5555 / Fax 588 5560

Cura Cabai 145 - Tel 584 4020 / Fax 584 4023

info@cerdnv.com



Pa Bo Jardin Tambe!

Afl. 215,00			
	Afl. 18,50	Afl. 24,50	
	Afl. 18,50	Afl. 16,50	
Afl. 14,75 2 Gal			
	Afl. 87,00 5/8 x 75'		Afl. 2,75 /paar
Afl. 58,00 5/8 x 50'		Afl. 29,25 4m x 6m	

**CERD tin tur cos pa irrigation, prijs super competitivo.
Nos kier topabo na EXPO CAS 2009 na Booth 41 & 42**

Internacional

Declaracionnan di otro personanan ta sigui punta dede cu e caso di e mucha y e balon tabata un ‘hoax’

E investigacion di e pareha di Colorado cu a alerta autoridadnan cu un di nan yiu tabta den un balon a word amplia na tercer personanan.

Robert Thomas a bisa polis loke el a mira entre Richard y Mayumi Heene ora el a graba e idea di Richard na cuminsamento di aña, segun e abgada di Thomas, Linda Lee. Thomas a bende su historia promer na e webpage Gawker.com

Lee a bisa cu Richard Heene tabata ‘obsesiona’ di logra un programa di television di realidad simula y bira famoso.

“Heene ta kere cu mundo lo caba na 2012”, segun e abogado. “Dor di esey e kier a gana placa rapidamente, bira lo suficiente rico pa traha un bunker of refugio subteraneo pa keda resguarda di e explosion solar”.

Thomas a indica diamars na NBC cu e no tabatin nada di haber cu e gañamento y cu e no tabata sa di e lanzamiento di e balon te ora cu el a wake na television.

Ora el a wordo puntra si e ta kere cu e mester beneficia economicamente cu e benta di e sucedido, Thomas, cu ta considera su mes un emprendedor y estudiante universitario, a bisa cu el a wordo informa cu hendenan ta bende nan versionnan na medionan informativo y cu el a wordo paga mucho menos di loke hendenan ta kere.

E investigadornan a pasa dor di e-mailnan, facturanan tele-



fonico y documentonan financiero haya na e cas di e Heene mientras ta considera posibel e acusacionnan contra e pareha. Oficina di polis di Larimer County a bisa cu su resultado lo wordo manda otro siman na fiscalia pa nan dicidi si Richard y Mayumi Heene ta wordo acusa dor di a denuncia falsamente cu nan yiu di 6 aña, Falcon, a subi e balon di helio cu a los pa haya publicidad pa un programa di television di realidad simula.

DURA HOME CENTER N.V.

ITALIESTRAAT # 40 SASAKIWEG • TEL: 583-6483 / 583-6484

DURA TIN NA STOCK DI HOTEL MARRIOTT



Spiel Entrada	100.00	Ceiling Fan	75.00
Lampi Muraya	25.00	Cortina completo 150/300.00	
Lampi Largo	100.00	Chandelier	10000
Lampi riba mesa	50.00	Stoel Comedor	75.00
Mesita	100.00	Stoel di Bamboo	200.00
Head Board	200.00	Mesa di Bamboo	100.00
Colchon King	300.00	Mesa Rondo Hero	60.00
Box Twin	100.00	Bar Stoel Bamboo	100.00
Sofa Cama	600/800.00	Flower Bouquet	25.00
Mesa Hero Largo	100.00	Lampi Cuadra	25.00
Mesa Palo cu paña	50.00	Consoul berde	50.00
Cuadra 30/40/50/100/150.00		Spiel hopi grandi	250.00
Frame	150/200.00	Porta Cashi cushina	20.00
Cashi TV Sala	250.00	Porta Cashi cushina	35.00
Cashi TV Camber sin TV	300.00	Zink cushina	100.00
TV 21"	100.00	Laba mano marmer	100.00
TV Sala Grandi 32"	250.00	Colchon+Box+Frame	
		Queen	500.00

DURA A RICIBI HOPI MUEBLE NOBO

PRIJS SPECIAL PA APARTAMENTO 20% POR MAYOR

Cuba ta libera preso politico y empresario Spaño despues di bishita di Moratinos



CUBA a libera diamars e preso politico Nelson Aguiar, condena hunto cu otro 74 disidentenan na 2003, y a saca for di prison un empresario Spaño, despues di e bishita di e canciyer Spaño, Miguel Angel Moratinos, segun fuentenan diplomatico Spaño y di disidencia. E decisionnan ey a wordo solicita pa Moratinos na canciyer Bruno Rodriguez y na Presidente Raul Castro, segun fuentenan Spaño. “Nelson a wordo libera awe mainta”, segun Laura Pollan, lider di e Damas Blanco, casa y fa-

miliarnan di e 75 disidentenan cera na 2003 na condenanan largo di prison.

Aguiar di 64 aña, y miembro di e ilegal Partido Ortodoxo di Cuba, ta sufri di artrosis degenerativo avanza, hernia discal, hipertension arterial, insuficiencia venoso y hiperplasia prostatico, segun su casa Dolia Leal.

Un di dos preso politico, Lazaro Angulo, laga liber pa motibonan di salud, lo a wordo autoriza pa biaha pa Costa Rica, pais cu a dune visa, segun otro fuentenan di disidencia.

Di su banda, embahada di Spaña na Havana a confirma cu e empresario Pedro Hermosilla, deteni varios siman atras bou cargo di cohecho, a wordo autoriza pa regresa na su cas na Havana, pendiente di un huicio.

Hermosilla, un ingeniero Spaño, representante di un empresa na Cuba, a wordo cera pa corrupcion, cargonan cu ta keda vigente, pero cu estancia na su cas.

E canciyer Spaño a plantea dialuna su preocupacion dor di e caso di e ciudadano Spaño. “Nos a plantea e situacion di e empresario Spaño. Nan a bisabi cu nan lo tuma bon nota di e interes cu e gobierno tin, manera semper cu tin un ciudadano Spaño cu ta obheto di investigacion, cu awor ta bou investigacion policial y despues procesal, hudicial, pero nan a primintimi cu nan lo studia e caso cu gran interes”, segun Moratinos a bisa.

STEP-IT-UP PRESENTS



Thursday, October 29, 2009
Time: 7 PM - 9 PM
Location: Parke ARAWA
ZUMBA ZOMBIE
dance party

MEMBERS ENTER FREE / NON MEMBERS 10 FLS

TICKETS AVAILABLE FROM MONDAY TO THURSDAY AT COLEGIO ARUBANO BETWEEN 6-7PM & CLUB ESTRELLA BETWEEN 8-9PM.

FOR DELIVERY OR MORE INFO CALL DWAYNE WEVER AT 7445404 / 7360950

AWEMainta****
el corazon de todo

Nos e-mail:

noticia@awemainta.com

Tel: 583-1400

Fax: 583-1444

Medellin ta wordo domina dor di ola nobo di violencia di droga



DESPUES di un caida fuerte di delincuencia den ultimo añanan cu a lanta e speranza di paz den un ciudad cu tabata sede di e cartel di cocaína mas grandi di mundo, e barionan pover di Medellin atrobe ta den guerra.

E tasa di homicidionan local a mas cu duplica desde 2008 despues di e extradicion di e hefe di crimen di e ciudad, Diego Fernando Murillo, mas conoci como “Don Berna” cu a laga un bashi di poder den baho mundo di narcotrafico y di extorsionnan.

“Cu e patron nos tabatin apoyo, no solamente economico sino tambe di tin tin ...di armintanan”, segun un pistolero di nivel medio a bisa Reuters bou condicion di anonimato. “E unica diferencia awor ta esey, cu no tin patrocinio, e ora e patrocinio mester wordo busca pa bo mes, con? Cometiendo crimennan ruman. Tur cambio

ta genera perdidanan (morto)”, el a comenta.

E lucha pa e control di e cayanan di e barionan construi riba ceronan ta wordo hiba dor di e decenanan di bandanan nobo dirigi pa antiguo combatientenan di gruponan paramilitar di ultraderecha cu a desmoviliza y a entrega arma den un acuerdo di paz cu gobierno.

E situacion ta pone di manifesto deficiencianan den e strategia di seguridad di President Alvaro Uribe, kende ta mirando e posibilidad di un di tres mandanto y ta sustenta su popularidad halto den e ofensiva contra e guerriya izquierdista y otro gruponan arma cu a permiti reduci e violencia.

E euforia incial roba e proceso di paz cu e scuadronan paramilitar no a dura na Medellin, e ciudad natal di Uribe, caminda e oficina forense local a registra mas di 1500 asesinato den e añan aki, mas di e dobel cu e mesun

periodo na 2008.

E escenanan di crimen ta parse e guion di un pelicula policial, specialmente den e barionan pover ubica na un distancia di e zonanan rico cu ainda ta atrae e inversionnan di e constructornan y no a wordo mishu dor di e caos.

Cientos di miembronan di pandiyanan a wordo deteni, pero e pobreza y e tentacion di placa facil a logra conforma un ehército di reclutanan nobo.

Como e rutanan di contrabando internacional ta wordo vigila pa medidanan mas estricto di interdiccion, e hefe di e banda, cu a papia den forma anonimo, a bisa cu e traficantenan cada bes mas ta bende droganan na consumidornan local. “Claro no tin pa unda mande (e droga), e ora ban consumi’e akinan. Tur cos ta hopi cera, no tin unda, nan ta garabo (detenebo) eynan na e skina y ya, of promer cu yega na e terminal nan a gara un tal persona cu tanto kilo, e ora no ruman, ban cuminsa cu loke ta di nos, ban haci di e plaza e plaza”, el a splica den su forma di papia. Algun banda ta paga su tiradonan cu cocain en bes di cash, aumentando e adiccion na e zonanan pover di Medellin ya golpea pa e desempleo y e recesion economico di cual e pais ta purbando di recupera como consecuencia di e crisis financiero internacional.

E situacion ta contrasta cu esun

di cominsamento di añanan 90 ora e hefe di Cartel de Medellin, pablo Escobar, a pone prijs riba cabez di polisnan y a desata un ola di crimennan selectivo di pistoleronan cu tabata cobra cash na e rey di cocaína.

“Esaki tabata un barrio trankil, te awor”, segun e doño di un bar di Bello, un suburbio di Medellin, caminda un homber a wordo asesina recientemente dor di sicarionan.

Emesun dia, pero un ora despues y na varios blok di distancia, un hende a lanza un granada contra un grupo di pandeyeronan sinta banda di nan brommer na un parke, matando uno y heridando dos mas. Uribe, e principal aliado di Merca na momentonan cu lidernan di izquierda ta gana protagonismo na America Latina, a cuminsa negocia e desmovilizacion di e paramilitarnan despues di su promer eleccion na 2002.

Miles di ‘paras’ a wordo mira den e ceremonianan transmiti via television entregando nan armanan cu lagrima den wowo na funcionarionan di Gobierno. E proceso tabata busca termina cu e violencia di e milicianan paramilitar, conoci pa mata cualkier sospechoso di colabora cu e rebeldenan izquierdista cu a enfrenta e Estado desde e decada di 1960 y ainda ta controla algun area montañoso y selvatico cu nan ta usa pa produci cocaína.

Sin embargo, algun hefenan paramilitar, incluyendo Don Berna na Medellin, a sigui dirigi nan organizacionnan criminal desde prison mientras e negociacion di paz cu Gobierno tabata avanza. “Don Berna” y otro lidernan a wordo extradita na 2008 pa Merca bou cargonan di narcotrafico.

“Tur e gruponan principal di nacrotrafico na Medellin tin gruponan satelite dedica na asesina, extorsion di empresanan local y suministro di droganan pa mercado local”, segun e Colombiano Armando Borrero, analista di seguridad.

“Don Berna tabata e centro di gravedad den e sistema solar aki. Sin dje e gueranan territorial a bira salvahe”, e experto a sigura.

A pesar di e retonan na su politica di seguridad, Uribe ta sigui ta popular entre clase medio di Colombia. E mandatario ta bisa cu e no kier keda mara na poder, pero ta insisti cu su politicanan mester sigui na su lugar despues cu su actual mandanto finaliza na augustus di otro año.

Corte Constitucional a cuminsa e revision huridico di un referendum cu ta busca habilita Uribe pa busca su di dos reeleccion consecutivo despues cu Congreso a aprobe en medio di criticanan y denuncianan di oposicion dor di supuesto practicanan di corrupcion di Gobierno.

Segun resultado di encuesta

54% di Mericanonan lo apoya un atake contra Iran

CASI 9 di cada 10 Mericano ta kere cu Iran ta busca desaroya armanan di destruccion masivo y mayoria lo aproba un atake pa evita cu esaki tuma lugar, segun un encuesta publica diamars. 54% di e Mericanonan lo aproba un atake contra Iran pa evita cu e bira un potencia nuclear, segun un encuesta di CNN.

“Mas di 6 di cada 10 homber ta na fabor di e accion militar contra Iran. E muhernan normalmente tin e tendencia na opone pa apela na lo militar den mayoria di accionnan, pero den e caso di Iran nan ta dividi den partinan igual”, segun e director di encuestanan di CNN, Keating Holland. 88% di e Mericanonan

ta kere cu Iran ta busca desaroya armanan nuclear, segun e encuesta cu a entrevista 1038 persona entre diabierna y diadomingo. Na 2003 Merca a invadi Orak bisando cu e tabatin armanan di destruccion masivo y for di e momento ey e tin tropanan etnan. E supuesto armanan nunca a wordo haya.



Crisis politico di Honduras ta intensifica despues cu dialogo a stagna



CASI 4 luna despues di e golpi di Estado na Honduras, e dialogo pa supera e crisis politico a drenta den un impasse cu ta corta e caminda pa eleccionnan na e regimen de facto, pa loke e derocado Manuel Zelaya a pidi mas ayudo internacional.

Zelaya ta spera un pronunciamiento di e Consejo Permanente di OEA, cu ta reuni awe diaranson na Washinton riba e 'estado di obstruccion y stagnamento' di 13 dia di reunionnan cu un gobierno de facto cu ta nenga den tur forma na reinstale na poder.

Su negociadornan a rechaza e ultimo di varios propuesta di e

regimen di Roberto Micheletti, segun cual e mesa ddi dialogo lo dicidi e restitucion despues di consulta Corte Supremo di Husticia y Congreso. Nan a rechace dor cu nan a haya e propuesta aki uno insultante.

"E ta un manipulacion, un wega, un bofta nobo di e regimen na mundo", segun e mandatario, kende a señala cu acepta e ofertanan di gobierno de facto ta equivalente na nenga cu tabatin un golpi di Estado dia 28 di juni.

Zelaya, cu a anuncia cu el lo keda na Embahada di Brasil caminda e ta refugia desde cu el a bolbe den secreto for di exilio

4 siman pasa, ta sostene cu su restitucion pa caba su mandato dia 27 di januari ta asunto politico dor di cual e decision ta den man di Congreso.

No bostante, Vilma Morales, negociadora di Micheletti, a opina cu "promer cu tuma un decision" mester consulta Consejo Supremo di Husticia, cu ta acusa Zelaya di 18 delito como traicion na patria dor di purba cambia e Constitucion cu e supuesto fin di wordo reelegi.

Delegadonan di Micheletti a declara cu nan ta na espera di un yadao nobo di e contraparte na e reunionnan supervisa pa OEA, pero Victor Meza, negociador

di Zelaya, ta sigura cu nan no lo bolbe mientras cu no tin un propuesta serio.

E regimen ta gana tempo wardando eleccionnan di 29 di november como solucion na e crisis, despues di varios dialogonan frustra promovi dor di OEA y e presidente di Costa Rica Oscar Arias, gestor di e 'Acuerdo de San Jose' riba cual e dialogo ta wordo basa.

Apoya pa empresarionan, militarnan y e partidonan Liberal y Nacional, cu ta alterna den poder, Micheletti ta resisti e aislamiento y presion internacional.

Merca, mercado di e 50% di e exportacionnan Hondureño, a suspende visanan na e regimen, y mescos cu Union Europeo y organismonan multilateral, a freeze e creditonan.

Comunidad internacional ta nenga na avala e eleccionnan bou un gobierno de facto, pero Micheletti, politico liberal di hopi tempo y empresario di transporte di 66 aña, ta convencenci cuna final nan lo wordo reconoci.

"Nos a laga bentana habri pa dialogo pero nos ta alerta mundo di e fraude electoral cu ta na caminda", Zelaya di 57 aña bou kende su pais a asocia cu paisnan Latinoamericano di izquierda reuni den ALBA, manera Venezuela, Nicaragua, Cuba y Bolivia.

Mientras e solucion negocia ta muestra mas leu, e gobierno de facto y su aliadonan ta agita e fantasma di violencia, probechando di e afirmacion recien di e presidente di Nicaragua Daniel Ortega cu e movimiento di resistencia na e golpi ta bezig armando su mes.

Den un comunicado, e regimen a acusa Zelaya di promove e 'insurreccion y a rechaza e menazanan di e mandatarionan di ALBA cu a acorda den un cumbre na Bolivia sancionnan economico y comercial.

"Nos lo sigui riba caya exigiendo pacificamente e retorno di Zelaya y e cambio di Constitucion. Sin restitucion, no tin eleccionnan. Nos ta bay lucha pa nan no tuma lugar pasobra e lo ta acepta e golpi", segun Juan Barahona, lider di resistencia. Honduras, cu tin e record tristo di 125 golpi den 150 aña di independencia y e di tres lugar entre e mas pobernan di America (mas di 60% di su 7,6 miyon habitante), ta sufri un fractura profundo den su sociedad despues di e crisis.

Y aunke e regimen a lanta dialuna e restriccionnan na e libertadnan civil y a reanuda transimisionnan dos medionan opositor, e violacion di derechonan humano ta tema di fuerte preocupacion dentro y pafor di e pais.

Cientifico Mericano acusa di bende secretonan

FISCALIA federal a sostene cu un científico cu a traha pa gobierno a wordo deteni ora e tabata purba bende secretonan oficial na un agente di FBI cu a pasa pa un agente Israeli.

Stewart David Nozette, cu a colabora cu e descubrimiento di awa na luna, a wordo deteni dialuna y acusa di purba bende secretonan oficial, segun Departamento di Husticia a informa.

Nozette, di 52 aña, a traha pa Departamento di Energia y

NASA. Na 1989 y 1990 el a traha pa Consejo Nacional Espacial di Cas Blanco.

El a desaroya un experimento di radar cu a descubri awa na e polo sur lunar. El a traha ademas pa e Laboratorio Nacional Lawrence Livermore di Departamento di Energia di 1990 pa 1999.

Agentenan di FBI a pasa pa miembronan di e servicio di spionahe di Israel, el Mossad, a pone un trampa na Nozette.

Pero, e denuncia no ta sostene

ccu gobierno di Israel of ningun organismo cu lo a actua na su nomber a viola e ley Mericano. Na Jerusalem, e funcionarionan di gobierno Israeli a bisa cu nan no ta familiariza cu e caso y cu no tabatin conocimiento di e detenido. E corant Israeli Haaretz a bisa diamars cu Nozette tabatin tratonan cu e entidad Industrias Aeroespacial di Israel, cu no a formula comentarionan.



Deporte

S.V. Estrella Lifida ta gana y perde durante fin di siman



DIABIerna atardi na tereno di Estrella, Estrella a topa cu Sportboys den categoria B. Un partido cu mester menciona cu di parti e team contrincante a cuminsa hunga cu solamente 8 hungador y na final a yega e di 9, pero tog no a baha cabes p'e muchanan di Estrella, kendenan a wordo reforsa cu algun hungador di A.

Estrella a sa di probecha y a gana Sportboys cu score di 7-0. Esnan cu a score pa Estrella

ta Liomar Croes 1x, Duncan Homoet 1x, Israel Nuñez 2x y David Dubero 3x.

Diasabra atardi un bez mas na veld di Estrella a tuma lugar otro encuentro, pero den categoria menor, na unda cu Estrella a topa cu e muchanan di Washington. Aki ta unda cu Estrella a cay venci cu score di 2-0.

E muchanan di Estrella a lucha den e ultimo minuutnan di wega, formando atake tras

atake, na unda cu fanaticonan tabata biba cu emocion di wega, pero golnan practicamente no kier a cay na favor di Estrella.



Hut Predators ta bautisa uniform nobo

DIAHUEBS ultimo den un ambiente masha familiar na Pizza Hut, e team di biljard number uno na Aruba a bautisa nan uniform berde. E madrinanan tabata Naishla Evertsz y Karyme Acosta a tene e Polo-Shirt pa sr. Glenn Croes basha Coors-Light riba dje p'asina bautisa e uniform nobo.

Glenn Croes ta propietario di Pizza Hut y ta masha contento cu por contribui na deporte y fuera di esaki na un equipo cu ta demostra seriedad y perseverancia.

Hut Predators despues di a gana nan prome titulo nacional na 2000 a ripiti e titulo na 2002, 2003, 2004, 2007 y 2008 fuera di esaki nan a yega tur biaha final di King

of The Caribbean y a bay cu e titulo maximo na tres ocasion di e 4 finalnan.

E aña aki un bes mas Hut Predators ta den play-off enbusca di retene nan titulo. Awe diarazon nan lo ta den e segundo encuentro contra di JJ Jaws na JJ Snack, ya cu nan a gana e prome encuentro 5-1. Tur fanatico ta keda cordialmente invita pa bin apoya y disfruta di un wega di biljard den bon ambiente.

AWEMainta****
e corant di Aruba

Nos e-mail:

noticia@awemainta.com

Tel: 583-1400

Fax: 583-1444



Empleado di New India Assurance Helene Rasmijn “Most Valuable Player di Annual Dutch Caribbean Softball Tournament 2009



HELENE Rasmijn, kende for di su 12 aña ta practica softball cu fervor y a competi den exterior representando Aruba mas cu 10 biaha den pasado a bolbe Aruba bek siman pasa for di St. Maarten cu e reconocimiento mayor di “Hungador Mas Destaca” pa su excelente y ehemplar participacion n’e campeonato final di “8th Annual Dutch Caribbean Softball Tournament 2009”.

Coleganan na trabao a sinti un ola di emocion tremendo

na momento di comparti den Helene Rasmijn su alegria total ora dialuna mainta el a yega trabao cu su trofeo den man. Sra. Joy Raghunath, kende semper ta duna tur su posibel aporte n’esnan cu ta dedica seriamente na deporte, a expresa di ta sinti un alegria inexplicabel tanto p’e logro di Helene, e logro di su Team di Softball y tambe p’e hecho cu New India Assurance tin un tremendo Team Player na Helene, kende ta duna ehempel pa otronan tambe sa con realmente ta practica the art of

being smart(TM).

E motibonan pa cual e organizacion Soualiga St. Maarten a scoge Helene Rasmijn como ganador estelar pa ricibi e reconocimiento como “Most Valuable Player” entre 150 participante deportivo n’e Torneo Caribeño, ta pasobra el a score dos hit, logra un careda anota, saca un out na home cu tres hende na base y na un momento crucial el a pidi Time-Out p’e por logra coach pitcher di su team cu asina hopi pasion cu despues e pitcher a logra manda curvanan tremendamente sofistica cual a hiba henter e team na gana e torneo pa di tres aña consecutivo.

Segun Helene Rasmijn: “Softball ta mi number One Hobby y mi no por a wanta mi emocion na momento di ricibi e trofeo! Mientras mi ta sumamente agradicido p’e reconocimiento personal, mi kier bisa danki na henter Team Sprite Angels, pasobra ta solamente hunto como UN Team UNI nos ta alcanza nos metanan comun! Nos a cana luci na St. Maarten tur na bandera di Aruba, sonrisanan alegre y T-shirt di Smart Customer di New India y a laga un marca masha bunita keda’t tras.

Na number di Sprite Angels mi



kier expresa un danki di curazon na Joy y tambe Tropical Bottling Company pa apoya nos

como deportista Arubiano pa nos por logra desaroya nos mes y saca cara di nos pais!”

Taekwondo ta informa

Stuart Smit na puesto no. 10 na Campeonato Mundial

DURANTE e campeonato mundial, cu a tuma lugar durante e periodo di 13-19 di october na Copenhagen- Dinamarca, ARTBO a wordo representa pa 2 atleta, den persona di Stuart Smit y Monica Pimentel.

Riba e prome dia di competencia, den categoria menos di 80 kilo, tabatin 64 atleta inscribi. Stuart Smit, e representante di Aruba a sali contra su prome contrincante cu ta di Haiti.

Aki Stuart Smit a sa di domina e atleta di Haiti for di su prome rond caba. Cu e score final di

11-8 Stuart Smit a sigi den e pool cu solamente 16 atleta. Den di dos salida di Stuart Smit a bay contra un atleta di Norwegen. Stuart Smit un biaha mas a triunfa cu e score final di 5-3 p’e por continua cu e atleta di Spaña.

Garcia Hemme di Spaña a gana Stuart Smit cu e score di 9-3 y a sigi p’e combate final contra USA, Steven Lopez.

Steven Lopez di USA a gana medaya di oro, pa di 5 biaha consecutivo na un campeonato

mundial. Garcia Hemme a bay cas cu medaya di plata y e representantenan di Azerbaijan y Canada a regresa nan pais cu medaya di brons.

Nos representante Stuart Smit a termina na di 10 puesto cu ta un hopi bon lugar pa un isla chikito manera Aruba.

Stuart Smit ta siguiendo su estudio di CIOS na Hulanda y ta entrena taekwondo cerca Choong Pet.

Mirando cu WTF (Federacion Mundial) a inicia cu un standing/ranking pa atletanan du-

rante campeonatonan internacional cu ta wordo reconoci pa WTF, ARTBO lo sigi duna apoyo na atletanan n’e cierto campeonato.

Pa loke t’e presentacion di Monica Pimentel, lamentablemente den su prome combate contra e representante di Rusia, Rusia a sali vencedor cu e score di 4-0. ARTBO ta hopi satisfecho cu e trabao realisa pa Stuart y Monica, unda cu nan a wordo guia pa Choong Pet y ta manda palabranan di felicitacion na

Stuart y Monica.

Ademas en coneccion cu e campeonato aki, WTF a tene su Asamblea General, unda cu dr. Chungwon Choue a wordo re-eligi como Presidente.

150 Miembro di WTF tabata presente, unda cu dr. Choue a ricibi 140 voto, e contra candidato a ricibi 44 y solamente 1 voto a wordo declara invalido. Cu e resultado aki, e miembronan di WTF a ratifica e bon trabao cu dr. Chungwon Choue a haci durante e ultomo añanan pa e deporte di taekwondo.

Aruba a gana plata y brons den taekwondo n'e 10th Disney Martial Arts Festival, Orlando Fl.



BRAZIL Taekwondo Stichting, Tiger Taekwondo Academy y Sport TV Aruba.com tabata grandi na Orlando Florida. Si man pasa a sali un delegacion for di Aruba p'e di 10th Disney Martial Arts Festival cu a participa den Taekwondo Olymic Style International.

Hunto cu e atletanan tabata Jaysell Dirksz y Rotmar Coenraad di Sport TV Aruba.com kende a Livestream e evento cu pronto lo wordo re-transmiti via nan wibe site (Sport TV Aruba.com).

N'e campeonato aki a participa 425 atleta di e.o. Puerto Rico, Venezuela, Canada, Cuba, Santo Domingo, Aruba y varios estado di USA.

E prome atleta di Aruba tabata Shane Pappers, kende a perde e final contra di Kelvin Ortiz di estado Florida. E prome rond Shane Pappers a duna tur cu

e ta tin aden, pero mirando e experiencia cu Kelvin Ortiz tin, no a duna Shane Pappers oportunidad pa bringa su pelea. E prome rond a termina 2-7 pa Kelvin Ortiz. Den di dos rond Shane Pappers a ataca mas, pero asina mes Kelvin Ortiz tabata anota su puntonan. E pelea a termina cu un score di 22-9 pa Kelvin Ortiz.

E otro atleta Arubano Clifford Rasmijn den kwart final a topa cu Adam Reed for di Canada. E prome rond a termina 5-5. Den di dos round e coach Alberto Klaber a duna Clifford Rasmijn cambio di instruccion y manera un flecha Clifford Rasmijn a sali y Adam Reed no ta sa kico pa haci.

E pelea a termina 13-11 pa Clifford Rasmijn. Den e pelea pa champion Clifford Rasmijn a topa cu Kristian Rodriquez di Miami. Clifford Rasmijn no

a duda den su mes y a cuminsa den e prome rond en busca di un victoria, pero mirando Kristian Rodriquez su habilidad a pone cu mester a traha mas duro. Ni maske cuanto Clifford a ataca Kristian semper ta tin un contra atake cla pa Clifford. E prome rond a termina 6-2 pa Kristian Rodriquez cu despues a tuma un bentaha comodo y a termina 17-5 pa Kristian Rodriquez.

Shivaro Haselhoef no ta tin suerte. Shivaro Haselhoef a perde e kwart final, unda cu un mokete a score den sudden dead. Shivaro Haselhoef a perde 6-5. Un tremendo pelea di Shivaro.

E ultimo pelea di Aruba tabata di Aischal van der Linde, kende a topa cu Shelby Olson, kende ta 30lbs mas pisa cu Aischal, pero esaki no a kita cu Aischal a laga esaki domine. E prome rond a termina 0-0.

Den e di dos rond Aischal van der Linde a bin ta atacando pa domina e pelea, pero Shelby Olson tabata semper un skop tras di Aischal y no tabata duna Aischal mucho tempo pa hinca punto. E final a bay pa Shelby Olson cu un score di 3-2.

Durante e campeonato a usa e equipo electrónico Daedo chest y headgear. Alberto Klaber a acerca varios V.I.P. pa nan opion di e headgear electrónico y haci entrevista cu nan cu lo wordo transmiti pronto na Aruba su televisión. E contesta tabata diferente na loka cu Chaco Cornelio di Aruba Taekwondo Bond

a comenta na sportsaruba.com P'e calendario di Brazil Taekwondo Stichting pa 2010, ya tin varios team di Miami interesa pa bin p'e Best of the Best Power-Ade Cup cu lo ta dia 2 di october 2010. Mirando cu Ultimate Taekwondo Cup lo ta dia 3 di april 2010 e team nacional di Mota lo ta presente.

Desde aki Brazil Taekwondo Stichting kier a gradici un y tur cu a haci posible p'e atletanan di Brazil Taekwondo Stichting y Tiger Taekwondo Academy biaha pa Orlando. Tambe ta bay un danki na Sport TV Aruba.com pa nan sosten na Brazil Taekwondo Stichting.

Aruba Juniors Banco di Caribe Pirates ta kita wega for di Estrella

Mientras cu Estrella ta tumba Aruba Juniors Radio Shack Red Devils

DIABIerna a continua riba cancha di Aruba Juniors na Socotoro e campeonato hubenil di basketball organisa pa Liga di Basketall Arubano. E prome wega a bay entre Estrella y Aruba Juniors, Banco di Caribe Pirates den e division pasarella. E wega a wordo dirigi pa Arvinio Zeppenfeldt y Therwin Ruiz. Na mesa a traha Eloi Ruiz como scorer asisti pa Prisca Kock y Edwin Marc Hsing. Estrella tabata esun cu a tuma iniciativa hungando un bon defensa y cu Gio Geerman coriendo fastbreak un

tras di otro. Sinembargo e Piratanan di Banco di Caribe ta tene e wega na un diferencia minimo cu hugadanan bunita di Oswaldo Guerra. Na final di e di dos quarter Estrella ta saca un bentaha di 10 punto y tur cos tabata muestra cu Estrella lo bay cu un victoria facil. Den di dos tempo e Piratanan ta crusa spada y ta hunga un wega mas alegre, dominando e boardnan defensivo y cu shot y drivenan bunita di Rafeek Karmoeddien y Oswaldo

Guerra. Estrella di su banda mester a traha duro pa wanta e ofensiva di Aruba Juniors cual ta causa nan algun turnover cu e Piratanan a sa di probecha bon di nan. Faltando 3 minuut p’e wega termina Aruba Juniors Banco di Caribe Pirates ta tuma bentaha y no ta laga esaki bay mas. E store final ta 61-56. Topscorer p’e Piratanan di Banco di Caribe tabata Rafeek Karmoeddien cu 30 punto y Oswaldo Guerra cu 23 punto. Pa Estrella Gio Geerman y Mi-

chael Haverton tabatin 25 y 11 punto respectivamente. E di dos wega a bay entre Aruba Juniors Radio Shack Red Devils y Estrella den e division di kadet. E partido a cuminsa cu Estrella dictando e pace di e wega cu basketnan di Jordon Guardiola y Jarinho Geerman. Dene di dos quarter e diablonan cora di Radio Shack ta descarga un ofensiva di 17 punto pa tuma bentaha di 25-23 na half. E wega ta continua cu intercambio di basket cu Aruba Juniors sacando un leve bentaha. Den

e ultimo quarter e superstar di Red Devils, Garreth Tromp ta foul out y Estrella ta probecha di esaki pa score 20 punto den e ultimo quarter p’asina gana e wega cu score di 53 pa 50. Top scorer pa Estrella tabata Jordon Guardiola cu 20 punto y Jarinho Geerman cu 18 y pa Aruba Juniors Radio Shack Red Devils Garreth Tromp tabatin 21 y Lucien Arnaud 13 punto. E wega a wordo dirigi pa Danchi Boekhouder y Incoe Martines. Na mesa a sinta Therwin Ruiz asisti pa Prisca Kock y Rayziel Thomas.

RBTT Marlins y Dollar Rent Bulldogs ta gana pa Aruba Juniors

BASKETBALL a continua diasabra anochi na Club Aruba Juniors unda cu e organisacionnan di RCA y Aruba Juniors a topa otro den divisionnan kadet y junioren. E prome partido a bay entre RBTT Marlins y RCA Gatorade den e division di kadet. For di comienso di wega RBTT a tuma control di e wega y ta saca un bentaha di 18-7 den e prome quarter. E muchanan di RCA no por a haña nan ritmo di wega cu tabata lidera pa Gregory Hynes y ta cay atrás 42-13 na halftime. Durante sosiego coach Ben Pineda di RCA ta shake-up su hungadornan pa nan subi cancha cu animo. Esaki ta duna resultado, pasobra aunke cu RBTT a score 24 punto mas den di 3 quarter, RCA a subi nan produccion te na 16 y 14 punto den di 3 y 4 quarter pa termina e wega cu 43 punto. RBTT di su banda ta pone 18 punto mas riba e borch pa termina e wega cu 84 punto. Vladimir Damus cu no a hunga e prome quarter ta termina asina mes como topscorer cu 24 punto. Eloy Ruiz, Jondereth Flores y Luigi Almirante ta score 17, 15 y 14 punto respectivamente. Pa RCA Gregory Hynes tabatin 11 punto y Gerik Celaire 10 punto.

E di dos wega tabata yena di

emocion. E biaha aki tabata e Bulldognan di Dollar Rent cu a enfrente RCA Gatorade. Ambos equipo tin hungadornan cu experiencia den e division di mas halto. RCA p.e. tin e gigante Saka Mc Cray (ex Aruba Juniors), Sito Wever y Carlos Buera cual ta un hungador di bon experiencia. Nan a presenta tambe cu e hobencito Vickson Britus. Un hoben di 14 aña cu un fisico corpulento cu por domina e boardnan cu facilidad. Aruba Juniors di su banda tambe ta conta cu algun hungador experiencia manera Jomar “Seco” Richardson y Quincy Breel combina cu algun nobato di bon estatura.

E wega riba su mes tabata uno hopi balansa y yena cu emocion cu RCA sacando e mihor parti di e prome quarter ora cu e Bulldognan tabata eratico na e liña di foul y cometiendo turnover tras di otro. Nan ta saca un bentaha di 19-13 den e prome quarter.

Den e di 2 quarter Shaka cu a haña tremendo defensa di Harwin Ruiz ta step up y ta combina cu Paul Guerrero pa 13 punto. Asina mes Aruba Juniors ta corta e bentaha pa laga half bay aden 37-33 na favor di RCA. Después di haltime RCA ta perde focus y no ta probecha

e tur e turnover nan di Dollar Bulldogs y riba dje e conducta di algun hungador ta pone referee castiga nan na dos ocasion cu technical foul. E hoben Vickson Britus a domina e boardnan y a pone 11 punto riba su nomber pa tene e tricolornan den wega. Harwin Ruiz y Roan Held di Dollar Bulldogs a sa di limita Shaka Mc Cray su post-up plays y tabata box-out di tal forma cu Shaka no tabata haña oportunidad di second shots. Asina mes Shaka ta sali e topscorer pa RCA cu 15 punto. Den e ultimo quarter e Bulldognan ta habri un ofensiva di 27 punto contra 20 di RCA pa bay cu e victoria 74-70. Jomar Richardson 15, Quince Breel 11, Fair Richardson y Roan Held cu 10 tabata e topscorernan pa Aruba Juniors Dollar Rent Bulldogs.

Pa RCA Gatorade a completa e topscorers list Paul Guerrero y Carlos Buera cu 13 y 12 punto respectivamente. Mester remarca cu e partido tabata yena cu foul di ambos banda, pero tanto Glenn Slijters como Junior Quezada a sa di controla e wega den gran forma. Den ambos partido di e anochi a traha na mesa como scorer Patrick Arens hunto cu Yahitxon Ascanio, Edwin Marc Hsing y Eloi Ruiz.

Special Olympics

Aruba ta sali awe pa Surinam



AWE e team di futbol di Special Olympics ta sali pa Suriname, pa hunga den e 2009 Suriname Invitational Football Tournament. E team lo ta bao liderazgo di coach sr. Herbert Beeldsnijder. E hungadornan ta 3 futbolista di Scol Dununman y 5 futbolista di Emmaschool. Lo hunga e sistema di 5 riba 5. Esaki ta prome biaha cu Special Olympics ta manda un team di futbol. Fuera di e experiencia maraviyoso cu e atletanan ta haya nan Suriname, Special Olympics ta considera participacion n’e torneo aki, como preparacion p’e weganan mundial di verano na Athena. Grecia, na aña 2011. Fundacion Special Olympics Aruba lo t’e prome organisacion cu ta participa na un Wega Mundial cu futbol.

E equipo di Noord den problema serio

SV Britannia Healthy Living Club ta derota Deportivo Nacional 1 - 0

DIASABRA anochi nos a presencia e encuentro di futbol den Division di Honor entre SV Britannia y Deportivo Nacional den Stadion Guillermo Trinidad na Dakota. Prome cu e encuentro aki e muchanan di SV Britannia tabata na di segundo lugar riba e tabla di posicion cu 9 punto, mientras Deportivo Nacional ta na di 6 lugar cu 4 punto den 4 wega disputa. Mester remarca cu un publico aceptabel a bini stadion pa mira e gran encuentro aki.

Nos por bisa cu den e minutnan inicial, ambos equipo cu hopi infraccion riba tereno, e wega tabata un poco para, riba dje e hecho cu no tabatin ballen-jongens presente tabata haci cu e wega tabata mostra mas para ainda. Un Britannia mihor planta riba tereno cu bon toke di bala, hayando otro facil riba tereno, esaki a conduci na dos oportunidad den e prome 10 minut di e partido pa medio di Chando de Lange y Cano, pero ambos no por a finalisa nan hugada.

Deportivo Nacional di otro banda a manda Theric Ruiz bay hunga como ultimo homber, su lugar di antes, mientras dilanti a manda Frans, tog nos no por a mira casi ningun hugada bon cu a sali for di porteria pa despues bay den atake, casi tur hugada tabata pa medio di bala largo. E prome tiro riba gol a bin pa medio di e delantero Frans di Nacional, kende ta domina y tira bunita riba gol, pero portero Werleman ta rechasa esaki manda afor, di otro banda Dedo Lake di Britannia den un bon combinacion cu Chando ta tambe tira bon riba gol, pero portero Eugene ta atrapa esaki bon.

Mester bisa cu e mihor oportunidad di gol sigur tabata pa Deportivo Nacional, ora cu Gregory Tromp, despues di un sake malo dilanti gol defendi Werleman, ta tira di cerca, pero su bala ta pasa rasca e lata di

gol bay pafo, un minut despues den un contra golpe, tabata Checho Gonzalez kende ta los un tiro violento for di banda robez, pero portero Werleman ta manda pafo. Mucho mas no a pasa den e prome tempo.

Den e segundo tempo nos por a mira e mesun patronchi di wega, un Deportivo Nacional hungando largo, buscando e delanteronan Cayton y Frans, mientras cu Britannia tabata purba mas na domina e wega hungando mas den e medio campo pa despues forma su atakenan. Asina mes na di 52min, e bolante ofensivo di Nacional, Checho Gonzales ta tira duro riba gol, pero Werleman ta tapa bon y manda e bala pafor, ni un minut despues tabata Dedo Lake di Britannia, kende ta tira lastra, pero ta mira su bala pasa na banda di e gol.

Na di 62 min e muchanan di Piedra Plat, ta haya un tiro liber cerca di e area penal di Deportivo Nacional, esaki ta ser tuma p'e semper peligroso Jonathan Lake, kende a caba di drenta den wega pa Rojas, cu un tiro yena cu efecto, esaki ta ser desvia pa un defensa di Deportivo Nacional. Aki portero Eugene no por a wanta e bala y ta mira esaki cay su tras p'e 1 - 0 p'e equipo di Britannia.

Despues di e gol, Deportivo Nacional a purba, pero no por a logra penetra dor di e defensa di Britannia. Cu e victoria aki Britannia ta acumula 3 punto mas y ta bay na di prome lugar hunto cu La Fama cu 12 punto. Pa loke t'e equipo di Noord, esta Deportivo Nacional nos tin cu bisa cu esaki ta un di e comiensonan di e campeonato di futbol di mas malo cu nos por corda.

Nacional tin solamente 4 punto y ta practicamente 3 wega atras. Nos ta kere cu e binimento bek di Don Silo Brete como entrenador ta un di e solucionnan a corto plazo, prome cu ta lat, ban wak.



Resultado final torneo di ajedrez Antraco-Wewe Croes 2009

Octavio Croes, campeon un biaha mas

DIAHUEBS dia 15 di october ultimo a tuma lugar e ultimo rond di e torneo di ajedrez “Antraco-Wewe-Croes-2009”. E torneo aki ta wordo gesponsord dor di Antraco Group Aruba. Tabatin un wega aplaza. Esaki a wordo hunga recientemente entre Ahmid Juddan y Jose Pesqueira.

Despues di 6 rond, Octavio a logra di haya un bentaha di mitar punto riba Jose Pesqueira y Ahmid Juddan. Nan dos ta ocupando number 2 y 3 y lo topa otro den e ultimo rond.

Octavio cu ya a hunga cu tur hungador den top, mester a enfrenta awor Ferry Gerard. Ferry a hunga un torneo masha malo mes pa su rating. E aperatura a wordo hunga regular y ningun di dos por a logra un bentaha.

Pero despues den medio juego, Ferry a kere cu e por a haya bentaha dor di duna Octavio un peon doble. Pero el a overlook un hugada cu un toren unda Octavio por a gana un peon. Despues di esaki, Octavio tabatin e wega gana. Pero Octavio a hunga e final masha swak y asina duna Ferry ainda chens pa tabla e wega.

Na mesa 2, nr. 2 y 3 (Ahmid y Jose (Chelo) mester a enfrenta otro. E encuentro aki a wordo hunga ayera nochi. Ahmid a hunga cu e piezanan blanco. E biaha aki, Ahmid a scoge p’e apertura habri. Chelo a contesta cu defensa Siciliana. Ahmid a purba algo nobo den apertura, pero esaki no a resulta bon. El a perde un peon, dos peon y despues e partida. Na mesa 3, Rigoberto Tromp

mester a enfrenta e hoben Osh Lopez. Segun Rigo, el a haya chens pa haya un bentaha riba Osh, pero el a warda mucho hopi pa haci esaki. Osh si no ta perde tempo pa provecha di e situacion. Osh a gana e encuentro aki.

Na mesa 4, debutante Armand Simon mester a enfrenta otro debutante Charlie Caytop. E encuentro aki ta importante pa un puesto di honor den grupo B. Armand a gana e encuentro aki, y esaki lo dune uno di e puestonan di honor den grupo B. Na mesa 5, Ormond Jowett a enfrenta Diegomar Benalcazar. E wega aki tambe ta importante pa resultado final den grupo B. Diegomar a gana e encuentro aki. Na mesa 6, Wilfrido Guanipa mester a enfrenta Hernan Via-

fara. Hernan no a show up, y asina Wilfrido a haya su punto regala. Na mesa 7, Richard van der Wal mester a enfrenta Dayger Cruz. E partida tabata uno interesante. Parce cu tur dos tin e mesun nivel. Pero Richard na final a logra di haya bentaha decisivo y asina a gana e encuentro aki. Y na ultimo mesa, Jan Breeuwer mester a enfrenta Junior Carrero. Junior no a show up, y asina Jan a tambe a haya su punto regala.

Cu e resultado aki, Octavio Croes y Jose Pesqueira a empata na prome lugar. Ambos a score 5½ punto. Octavio tabatin mas punto di resistencia (dus a haya e contricantenan mas duro) y asina a bira campeon di e 14 edicion di torneo di

ajedrez Antraco-Wewe Croes. Jose Pesqueira di dos lugar, y e hoben Osh Lopez na di tres lugar cu 5 punto.

Den grupo B, Diegomar y Armand a empata na prome lugar cu un total di 4 punto. Diegomar tabata tin mas punto di resistencia y asina a keda na prome lugar. Na di tres lugar, a termina Enrique Jacopucci. E premio n’esun cu a progresa mas durante e torneo aki ta bay e biaha aki pa Dayger Cruz.

Diahuebs awor dia 22 di october tin entregamento di premio. Antraco Group lo tin un recuerdo tambe pa tur participante. Nos ta invita tambe tur participante pa tuma nan recuerdo diahuebs awor pa 08:15 di anochi. E ganadornan lo haya un cadeau-bon manera a wordo palabra.

Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui number, fam y number di telefon di e remitente. AWEMainta ta keda cu e derecho reduci of edita esakinan pa publicacion.

Ivo Valdes, un representante washi washi di SIMAR

Pa: Maestronan di Enseñanza secundario



ULTIMAMENTE nos ta bin ta notando na television y na otro medionan di comunicacion e actuacion mediocre

di e Presidente di Simar, Ivo Valdes. Den e talkshow di Lacle y Trappenberg, Ivo Valdes a faya barbaramente di ta un

Presidente digno di un Sindicato di Maestro. Tur pregunta el’a contesta robes. Nan a puntre si tabatin problema den e directiva bieu. Ivo a contesta manera nada’un pasa; si tin miembro a haci maluso di placa. Sin splica cu t’e mes, como tesorero, a firma e checknan p’e bestuursvergoeding. Despues nan a puntre ta con e ta pensa di yuda e maestronan. Eynan el’a contesta cu ainda e no sa precies ta di cua forma. Enbes di prepara su mes, di un forma proactivo riba e topiconan aki, el’a sigui faya.

Hasta el’a bisa cu un maestro no mag di tin cabey largo of piercing. Mane cos cu ta bo apariencia ta haci bo un bon maestro. E mes ta un ehempel di esaki. E no tin cabey largo, ni piercing, pero e ta firma check bay skeiro pa despues haci manera “yo no fui”. Apari-

encia di un hende no ta bisa nada di su profesionalidad. Tin hopi maestro cu tin tattoo, piercing y cabey largo, y cu ta hopi capacita den nan lesnan. Otronan ta cana cu bachi y dashi, pero ta haci hopi cos cu lus di dia no por soporta. Aparte di tur e bobedadnan aki, el’a tribi di bisa cu maestronan no por traha cu computer, ta solamente esnan cu a gradua na IPA por haci esaki. Esey ta un expresion pa yora wanta na palo. Vooral si Ivo Valdes ta kere cu tur e maestronan di educacion secundario no por traha cu computer.

Claro cu Ivo ta papia basa riba e realidad di e directiva di SIMAR actual cu ta consisti di un par di dinosaurio cu no a update nan mes. Tambe di personanan cu formacion mediocre. Tur Hogeschool di Hulanda por ehempel, desde

añanan ’90 tin e vak ICT den nan programa di scol.

Nos como maestronan di enseñansa secundario ta haya Ivo Valdes un representante washi washi pa un sindicato asina importante manera SIMAR. Ivo Valdes no ta traha proactivo, ta aparenta manera cu e no sa ni mes kico ta come y bebe den enseñansa. Parce cu t’e forma cu el’a cocetea cu personanan cuestionabel manera Piet Pronk y Mayra de Graaf a trece asina leu den Simar. Mientras cu e dosnan aki ta geplak na AVP, Ivo Valdes mes ta fanatico di e partido cu despues di 28 di october lo drenta oposicion.

Ta ki wega e tresnan aki ta hunga anto cu enseñansa? Den nos opinion oportunismo no ta algo bon pa enseñansa. Ta cu idealismo so bo por lucha incansabel pa drecha enseñansa.

Diabierne awor

Presentacion di buki di Frank Williams: 'Ki mish bo na Cai?'

DIA 23 di october awor, esta diabierne, e conocido escritor, Frank Williams ta presenta otro obra. Esaki ta tuma lugar na Biblioteca Nacional, seccion Arubiana cu ta keda na Bachstraat 5 pa 8 or di anochi.

Maestro di Ceremonia p'e anochi aki ta, Victor Mathilda. E anochi lo habri cu palabranan di bon-bini di Presidente di UNOCA, sigui pa Frank Williams, kende lo elabora mas riba e buki aki.

Despues ta sigui entrega di un buki na Chido y Jeta. Despues tin presentacion di weganan di antes, canto y baile. E autor ta hunga cu publico e wega zwi zwi y cu e conopi di flamboyen, y por ultimo Grupo Goza un Tiki. Por cuminsa na pasa wak e exposicion di e autor den veranda.



Chekeo medico gratis organisa pa Xavier University School of Medicine

DIASABRA dia 24 di october awor, Xavier University School of Medicine lo tin su tremendo chekeo medico gratis. E evento aki lo ta di 8:00 am pa 12:00 pm. E testnan cu lo wordo ofresi ta: Cholesterol, Presion, Sucu, Oido, Vision, Peso, Body Fat, y mas. E testnan lo wordo haci dor di e studiantenan di XUSOM y Laboratorio Familiar.

Na final lo bo ricibi un consulta gratis cu un dokter local of internacional. E testnan aki ta pa bo por "screen" bo condicion actual; semper nos lo recomenda pa bo follow up cu bo dokter di cas. Na final di bo consulta lo bo ricibi un carchi cu tur e resultadonan di bo testnan pa bo por entrega na bo huisarts.

E evento aki lo ta na Xavier University Campus 2 na Santa Helenastraat (Happy Mall, mesun edificio roos di Toys "4" Us, entre e rotonde di Ponton cu e rotonde di Belgiestraat). E evento aki ta organisa dor di e studiantenan di Xavier University como un regalo n'e comunidad di Aruba y tambe pa conscientisa tur hende riba e importancia di un chekeo medico.

E testnan aki ta importante pa tur hende. E no ta importa edad, of condicion fisico. Si bo tin un condicion cu bo mes ta controlando caba of si bo ta sinti cu bo ta "In Top Shape"! E testnan aki ta hopi beneficioso pa tur hende. Nos ta recomenda cu henter e comunidad di Aruba tuma e oportunidad aki pa bin tuma un chekeo medico gratis. Lo tin organisacionnan presente e.o. the Breast Cancer Foundation, Alzhiemers Aruba, GNC, Consales y mucho mas. Nos tin actividadnan pa muchanan tambe!

Nos ta conta riba tur hende pa duna nos un man y pa nos transforma Aruba den un "One Healthy Island". E organizacion aki ta uno di studiantenan y manera semper nos lo tin mester di un ayudo financiero, por favor yuda nos yuda e comunidad Arubano.

Pa duna nos un man of pa participa den e feria aki, please tuma contacto cu nos na jennyz@students.xusom.nl of yama 588-7766. Bishita nos website na <http://edu.xusom.nl/>. Tuma bon nota cu e test di cholesterol lo ta di unicamente 8:00 am pa 11:00 am y bo mester bin na yuna.

Danki Aruba!

pa e acceptacion di nos entrega electronico di nos corant



den bo email box.



Sra. Magdalena Giel a celebra su 70 aña

DIASABRA ultimo, sra. Magdalena Giel a celebra su 70 aña y tabatin un tremendo celebracion en conexion cu su fecha natal. Su rumannan, sobrino (a) nan, primo/prima (nan), famia y amistadnan mas sercano a reuni pa celebra cu sra. Magdalena Giel.

Mariachi Aruba a sorprende sra. Magdalena Giel cu nan cancionan y alabez sra. Magadlena Giel a wordo sorprende cu bishita di Minister President, sr. Nelson Oduber y su distinguida sra. Glenda Oduber, kendenan a bin personalmente pa felicita sra. Magdalena Giel y pa desee hopi aña mas di bida y salud.

Ruman, famianan y demas amistad ta desea sra. Magdalena Giel hopi aña mas di bida y salud y cu Dios drama su bendicion riba dje.



Miguel Valdez a cumpli 15 aña cu N.V. Elmar



RECIENTEMENTE gerencia di N.V. ELMAR tabatin e grato placer di a ricibi sr. Miguel N. Valdez, kende dia 3 october ultimo a recorda e hecho cu 15 aña pasa el a drenta den servi-

cio di N.V. ELMAR

Sr. Miguel Valdez tin como funcion "Monteur A Netbeheer" laborando den Departamento di Huisaansluiting. N'e ocasion aki

Director General ing. Robert Henriquez, a felicita y gradici sr. Miguel Valdez pa tur e añanan di esfuerzo y dedicacion na

bienestar di N.V. ELMAR y a entrega e certificado y plakaat corespondiente, den presencia di su esposa Haydee y tambe su

hefe directo sr. Elvis Briesen. Despues a sigi un brindis chikito hunto cu demas miembronan di e Management Team.

Aruba Bank cu hopi informacion y tipo durante Expo Cas 2009

Cu tur informacion riba hipoteca, renobacion y construccion di cas



renobacion di nan cas existente, compra di un cas nobo y tambe riba construccion di nan propio cas. E expertonan financiero di Aruba Bank ta cla pa splica na placa chikito, henter e proceso di financiamiento construccion di e vivienda y di seguro.

E banco conoci como, e consehero den hipoteca, Aruba Bank lo ta presente durante e evento di Expo Cas 2009 pa por ofrece nan producto y servicionan di hipoteca na henter nos pueblo. E expertonan financiero di

Aruba Bank lo splica mas tocante di hipoteca y seguro. Aruba Bank tin un booth durante Expo Cas pa duna informacion y tip di hipoteca. N'e booth aki e participantenan lo por haya tur informacion tocante

Aruba Bank ta invita tur esnan interesa den renoba nan cas of den traha of cumpra un cas nobo, pa nan bishita e booth di informacion di Aruba Bank durante Expo Cas e weekend aki den Renaissance Conven-



tion Center. Aruba Bank lo duna informacion na tur esnan cu kier djis haci un prestamo pa embecece nan cas pa subi su balor. E evento ta cuminsa

diabierna 23 di october for di 6'or di atardi te cu 9'or di anochi y ta sigui riba diasabra y diadomingo for di 12'or di merdia pa 8'or di anochi.

Expo: Nunca demasiado bieu pa tin pret



RECIENTEMENTE Lady Ruth a habri su di tres exposicion di cuadranan, verf acrilico riba canvas, den Biblioteca Nacional. Un anochi bunita y cu tres den un atrobe....e biaha aki, relaciona cu Dia de la Raza - Presentacion y Bautismo di Fundacion Sinya mi paso pa paso Aruba y Ruthy su di tres expo “Never too old for fun”. E expo aki ta habri pa publico te cu dia 22 di october, esta te dia-bierna awor, den oranan di mainta for di 10 pa 12 y den oranan di atardi for di 3’or pa 7’or di anochi, cu excepcion di diamars y diahuebs atardi.

Ora e lo ta sera pa cumpli cu otro compromisonan como “Domestic Engineer”. Adhunto por mira algun di e hopi bishitantenan cu a bishita e expo, cu ta un inspiracion pa grandi y chikito. Obran an abstracto yen di fantasia y color.

ATHA su accion di Carchi di Pasco 2009



DEN cuadro di e accion di benta di carchi di Pasco di Asocacion Trabao di Hubentud na Aruba (ATHA), un bishita a keda haci na Gobernador di Aruba. Esaki ta un tradicion di tur aña caminda e scol ganador cu bende mas carchi di Pasco lo bishita Gobernador.

E aña aki 2 alumno di Kukwisa School, Josefina Vriend y Yong Pin Zang acompaña p’e docente sra. Karin Geerman a haci un bishita di cortesia na sr. Fredis Refunjol, Gobernador di Aruba.

N’e ocasion aki Gobernador a haci su pedido serca e alumnonan presente .

Di parti di ATHA tabata presente sr. Ricky Hoek, Director y sra. Gladys Kock, coordinadora di e proyecto.

ATHA ta haci un apelacion riba comunidad di Aruba pa coopera cu e benta aki p’asina ATHA por yuda den desaroyo di nos hubentud na Aruba.




AD PATRES
funeral home

van Rensselaerstraat 2
San Nicolas - Aruba
E-mail: adpatres@setarnet.aw

Tel.: (294) 584-2299
584-8413
Fax: (297) 584-2266

"Senor ta mi wardador mi'n tin falta di nada, den kunuku di yerba berde E ta ponemi sosega. E ta hibami na awa trankil pa mi bolbe haya forza". Salmo 23:1,2,3.

Cu honda pena, pero conforme cu boluntad di Dios y agradecido pa tur locual el a nifica y hasi pa nos, nos ta anuncia fayecimento cristianamente di:



Sr. Juan B. Thijzen
Mihor conoci como “Juancho”
Na edad di 71 aña

Na number di su :

Rumannan: Isi Thijzen
Chana Boerland-Thijzen
Nini y Eric Tchong
Chita y Junior Croes
Janchi y Mildred Thijzen
Chito y Mirna Thijzen

Subrino y Subrinanan: Evelyne Thijzen y famia,
Mariska Danielse y famia,
Debby Lacle y famia, Ralph Thijzen y famia,
Susy Thijzen y famia, Detty Thijzen y famia,
Eric Thijzen y famia, Mientje Blanca y famia,
Mila Tromp y famia, Marc Boerland y famia,
Dave Boerland y famia, Daisy Tchong y famia,
Solange Gonzalez Lujan y famia, Reinbert Croes y famia,
Risselle Croes, Patrick Thijzen y famia, Denise Thijzen,
Suzette Eduarda y famia, Gislene Thijzen y famia,
Elton Thijzen

Cuñanan: Aida Thijzen-v/d Blik, Theresita Thijzen-Harms

Primo y primanan
Lita Wever y demas famia

Akto di entiero lo tuma lugar **Diahuebs 22 di Oktober 2009 pa 4’or di atardi** saliendo for di **Misa Cristo Rey na Brazil** pa **Santana Católico na Savaneta**. For di **2’or** di atardi **nos defunto stima Juancho** lo ta reposa den **Misa Cristo Rey na Brazil**.

Adres pa condolencia: **Ad Patres Funeral Home**
Diaranson 21 di Oktober 2009
7’or pm – 9’or pm

Un donacion pa misa ta wordo aprecia



Aurora
Funeral Home

Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Laga tur locual cu ta spera mi ta bunita
Laga tur locual cu mi encontra na caminda ta bunita
Laga tur locual c’uta rondonami ta bunita
Laga tur locual mi t a laga tras keda bunita y
Laga esaki nan termina den tur buniteza

Cu inmensa tristesa na nos curason pero gradicido pa loke E a significa pa nos, nos ta participa fayecimento di nos di nos Mama, Ruman, Tanta, Wela, Bisawela, Tatarawela stima :



Sra. Vda. Lucianita Peña-Jansen
Mihor conoci como Chanita
Na edad di 87 Aña

Na number di su yiunan : Vda. Olga Thijsen-Peña
Luciano Peña
Marina y Alwin Bernardina-Peña
Enrique y Lidia Peña
Ronald y Romana Peña
Benito y Grecia Peña
Mayra Peña y Maikel Dijkhoff
Glenda Peña y Romualdo v/d Linden

Su rumannan : Digna Maduro y famia
Vda. Florinda maduro y famia
Sira Maduro y famia
Lelia Maduro y famia
Silvinia Maduro y Esposo
Sita Maduro y famia
Rosa Croes

Ruman di crianasa : Vda. Lucila Werleman –Vrolijk

Su nietonan : Helen, Michelle, Joaquin, Rudy, Feliciania, Edna, Edwin, Maria Eugenia
Geraldine, Mary Jane, Roosje, julaika, Sergio, Melisa, Eduard, Urvin, Silvio, Jane.

Bisanietonan : Gilner, Myloelle, Raynhart, Rigenne, Julissa, Jurisa, Jordania, Kimberly
Genesis, Micheline, Jurwin, Andrew, Sharelain, Raul, Fabio, Natasha, Shirley, Jennelly
Micheline, Nigel, Ivoney, Dennyck, Reynalee.

Sobrenieto : Xiomira, Brandon, Zoë, Jaysely, Keylie.


Amiga di cas : Marcela, Reyna Jani coffie

Sobrino , Sobrina, primo y primanan, comper y comer, bisiñanan y demas famia

Acto di entiero lo tuma lugar Diahuebs 22 di Oktober 2009 di 2or pa 4or di atardi na Misa Sagrado Corazon na Savaneta for di 2or e restonan mortal lo ta reposa den Misa y despues saliendo pa Santana Catolico na Savaneta.

Adres pa Condolencia: Aurora Funeral Home,
Cumana # 76
Diaranson 21 di Oktober 2009
7’or pa 9’or di anochi.

Nos ta pidi nos disculpa si den nos tristesa nos por lubida un of otro famia




Aurora
Funeral Home

Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

*“Hesus, korda riba mi, ora Bo dreña den bo reino”.
Hesus a konteste: “Mi ta sigurá bo: Awe mes lo bo ta huntu ku Mi den paraiso!”
Lucas 23, Vers 42-43*

A FAYECE CRISTIANAMENTE:



Hironimo Antonio Dijkhoff
Mihor conoci como “Tony” of “Tatay”
(Ex-Douanero)
*30-09-1943 † 19-10-2009

Na number di su:

Esposa : Zitha Dijkhoff-Boekhoudt

Yuinan : Anthony Dijkhoff
Audrey y Gregory Dijkhoff
Glenn Dijkhoff

Nietonan : Elle-Mae
Qyon
Xyselle

Rumanan : Damian y Dinny Dijkhoff y famia
Mario y Bibi Dijkhoff y famia
Yolanda y Jan Ulfman y famia
Rudy y Alejandra Dijkhoff y famia
Edwin Dijkhoff y famia
Roland y Sandra Dijkhoff y famia

Mescos Ruman: Ben Ras y yui

Swa y Cuñanan: Maria Boekhoudt
Mario y Monica Boekhoudt y famia
Adriana y Ignacio v/d Biezen y famia
Theresita y Josef Webb y famia
Sofia y Lindo Hernandis y famia
Sra. Vda . Irena Dijkhoff-Faro y famia

Sobrino y Sobrinanan, Primo y Primanan, Ihanan, Ex-coleganan di Douane y demas famia.

Acto di Entiero lo tuma lugar Diasabra 24 di Oktober 2009 pa 11or di mainta na Misa Santa Filomena na Paradera, e restonan mortal di e difunto lo ta reposa den Misa for di 9or di mainta y despues saliendo pa Santana Pastor Kranwinkel na Paradera.

Adres pa Condolencia : **Aurora Funeral Home,**
Cumana # 76
Diabierna 23 di Oktober 2009 di
7:00 - 9:00 pm


Nos ta pidi nos disculpa si den nos tristeza nos por a lubida un of otro famia.

Nos ta lamenta cu despues di entiero nos no por risibi bishita di condolencia na cas.

Hoben ta ranca cadena despues di problema

ASISTENCIA di polis a wordo pidi dialuna 4’or di atardi, na un cas na Saliña, pa un intermediacion. Na yegada polis, nan ta papia cu e tata E.C., kende ta bisa polis cu su yiu homber tabatin un problema diasabra ultimo na un Rancho di Cabay. E ta bisa cu e dia ey, e mucha homber R.de P, di 19 aña, a bay riba su yiu y a bise kico a pasa. Ora cu su yiu a bay cerca R.de P., el a ranca su cadena y a core bay. Polis a yama mayornan di e dos muchanan na warda, y a bisa nan pa bin cu e muchanan tambe. Dilanti polis R de P.a duna e mucha su cadena bek.

Un Biblia pa mundo digital



DESDE su promer edicion publica pa e demonia Glo, a presenta na Merca “diseña pa un mundo digital”, segun palabranan di su cofundador Nelson Saba, un ingeniero aeronautico Brasileiro. “Ki ta diferencia Glo di otro edicionnan tradicional di Biblia? Ademas di dispone e texto digital como si fuera un edicion impreso, e iniciativa aki multimedia ta busca fomenta e curiosidad di e lector dor di pone na

disposicion e ubicacion geografico di e eventonan biblico riba un mapa y un liña di tempo c ta representa cada evento en particular. Tambe ta probecha e posibilidadnan multimedia cu e computernan ta

ofrece pa presenta videonan den calidad halto, bishitanan virtual y imagennan di resolucion halto. Cu e uso extendi di computer, internet y diverso dispositivonan portatil, manera smartphones of lectornan di bukinan electronico, conta cu un version digital di Biblia no ta un idea nobo. De facto, e portal oficial di e Vaticano ta dispone di ilumina na 2002, un edicion electronico similar.

“Nos no solamente a digitaliza e Biblia”, Saba a bisa. “Loke nos a haci ta crea un producto cu funcionnan nobo, cu ta potencia e contenido di Glo y ta haci’e acorde y relevante pa e generacion aki”. Glo ta consisti di 3 DVD, y den e promer version oficial e lo ta solamente disponibel pa e sistema operativo Windows. Ta wordo estima cu pa 2010 e lo por wordo usa den otro plataformanan, manera Mac, OS, iPhone, Windows Mobile, entre otro. Tambe ta spera cu den e proximo edicionnan, e contenidonan por wordo consulta den otro idiomanan ya cu awor e ta solamente disponibel na Ingles. E version completo tin un costo di 89.99 dollar y ta disponile solamente pa su benta na Merca.

Cachonan ta morde y mata cabrito

ASISTENCIA di polis a wordo pidi dialuna11.50, na un cas na Savaneta, unda e doño di cas M.de K. ta bisa polis cu cachonan di su bisiña a haci desaster den su cura. N’e cas M.de K. ta bisa polis cu e cachonan di su bisiña a morde su cabritonan. El a bisa polis cu den pasado caba e mesun cachonan aki a mata un cabrito. Polis a bay n’e cas di e doño di e cachonan, pero no tabatin ningun hende na cas. Polis a bisa M.de K. pa yama nan, ora cu e doño yega cas.

Cumana 76
 Oranjestad, Aruba
 Tel: 588-6699
 Fax: 588-6698
 Cel : 593-0857 / 560-1403

Señor ta mi wardador, Pues min tin falta di nada;
 Den cunucu yen di yerba berde, E ta pone mi sosega.
 E ta hibami na fuente di awa fresco, Pa mi bolbe haya forsa.
 Salmo 23

A FAYECE INESPERADAMENTE:

Matio Florencio Croes
 Mihor conoci como “Mateu”
 *14-03-1940 † 19-10-2009

Na number di su :	
Esposa :	Hilda Croes-Donata
Juinan :	Maikel y Marisela Croes Michel Matos
Juinan di Ciranza:	Maria Basso-Matos y famia Icho Matos y famia Anthony Matos y famia Jeffrey Matos y famia
Nietonan :	Jean Carlo Croes Ro Angelo Croes Micheline y Yucel Croes Marc Anthony Croes Maikel Jr. Croes Micherla Croes
Bisanieta :	Juslaine
Mescos cu bisanieto:	Zayen Orman.
Rumanan :	Vda Livia Croes y famia Inchi y Timoteo Ras- Croes y famia Zr. Judith Croes Vera y Coco Thiel-Croes y famia Aurita Croes Nemencio Croes y famia Oscar y Chimina Croes-Boekhoudt y famia Nelson y Jarminn Croes-Tromp y famia Etlyn Croes
Swa y Cuñan:	Sra. Vda. Estelita van der Biezen Donata y famia Sra. Vda. Maria Donata y famia Sra. Nina Donata Federico (Djai) Donata, Sra y famia Maria y Pedro Danje Donata y famia Serapio (Japi) Donata
Su Omo :	Narciso Croes
Tantan di respet:	Maria Jansen y famia Betty Jansen y famia
Su Suegra :	Rosy Werleman

Sobrino y Sobrinanan na Aruba y Hulanda, Primo y primanan, Ihanan, Comer y Compernan, Ihanan.

Su miho amigonan: Francisco Krozendijk, Candy Kelly, Ambrosio Kelly, Antonio Colina, Joselito Colina.

Amigo, bisiña y conocirnan.

Demas Famianan: Croes, Donata, Matos, Ras, Thiel, Boekhoudt, Tromp, Jansen, de Cuba, Hill, v/d Biezen, Jacobs, Dirksch, Franken, Erasmus, Kock, Danje, Loefstop.

Acto di Entiero lo tuma lugar Diaranson 21 di October 2009 for di 9or pa 11or di mainta na Misa Santa Filomena na Paradera e restonan mortal lo ta reposa den Misa Santa Filomena na Paradera for di 9or di mainta y despues saliendo pa Santana Pastoor Kranwinkel na Paradera.

Nos ta pidi nos disculpa si den nos tristesa nos por a lubida un of otro Famia.

RAAD VAN TOEZICHT EN ADVIES
Sociale Verzekeringsbank

Raad van Toezicht en Advies di SVb ta extende su palabranan di mas profundo condolencia na su miembro, sr. Nelson Croes y su famia, cu fayecimento di su ruman

Sr. Matio Florencio Croes

Hopi forza den e momentonan dificil aki.
 Cu Sr. Matio sosega den paz di Señor.

Drs. Harold Hagens
 Presidente

SVb, Banco di Seguro Social ta extende su palabranan di mas profundo condolencia na miembro di Raad van Toezicht en Advies di SVb, sr. Nelson Croes y su famia, cu fayecimento di su ruman

Sr. Matio Florencio Croes

Hopi forza den e momentonan dificil aki.
 Cu Sr. Matio sosega den paz di Señor.

ir. Edwin M. Jacobs
 Director

Turistanan a observa kayak cu problema pa subi tera

ASISTENCIA di Strand-Politie a wordo pidi dialuna 8.30 di anochi na Tamarijn Hotel, unda lo tin un kayak den awa cu tin problema pa subi tera. Na yegada e guardia ta bisa polis cu un turista a bise cu el a observa un kayak ta bringa pa nan subi tera, pero debi cu ta scur, nan no por a sigui e caso. Un rato despues, e turistanan ta yama e guardia y ta bisa nan cu algun turista cu a keda mira e kayak a nota cu e hendenan a logra subi tera.

Office Assistant

Course Afl.400 pa luna
Oferta valido te Oct.29

Luna 1

*Telephone & Reception
*Customer Service
*Office Systems
*Motivation & Communication
Luna 2

*Word Advanced
*Excel Advanced
*QuickBooks pro 2008
*PowerPoint & E-mail
Nov. 2 ta cuminsa
Tel.5825893 - 7438585
D.T.N.V. Estableci na 1993



Mementomori Funeral Home N.V.

Yolanda - Leo - Eugene
Tel: 5833358 - Fax: 5837711

"Abo ta mi Dios y Salvador."

Ps. 25:5

Cu honda pena pero conforme cu boluntad di Dios, nos ta anuncia fayecimento cristian di:



Verna Starke
mihor conoci como: "Zuster Starke"

Adres pa condolencia: cas di famia Starke: Pos Abao 10-C
diaranson 21 di october 2009 di 7'or pa 9'or di anochi

CLASIFICADO

**3 DIA PA
SOLAMENTE
25 FLORIN**

YAMA 583-1400 | EMAIL: AVISO@AWEMAINA.COM

TA BENDE

Tereno 917 M2
Afls. 115.000,--
Eigendom na
Tanki Leendert
Pa mas Inf. Jama
Cell-593-1082

Adobe illustrator

Course Afl.750

Duration: 6 siman
Ta cuminsa: Oct.29
Mainta: 10am-1pm
Anochi: 6.30pm te 9.30pm
Tel.7438585 - Mr. John

Polis ta scual yiu onbeschoft sin respet

ASISTENCIA di polis a wordo pidi dialuna 1'or di merdia, na un cas den Palisiaweg na San Nicolas, unda un tata tin problema cu su yiu muher S.P. di 19 aña. N'e cas polis ta papia cu e tata F.P. naci na Jamaica di 44 aña, kende ta bisa polis cu su yiu ta onbeschoft contra dje, y no ta respete.

E tata a bisa cu el a pasa e yiu un wanta. Polis a papia cu e yiu muher, kende a bira onbeschoft contra polis tambe. Polis a hala su atencion y a dune un bon scual. El a calma.

DANKI PA YAMA



HOTLINE
733-8477

Computer Lessons

Since 1993

✓Word ✓Excel ✓E-Mail ✓Flash
✓Internet ✓QuickBooks.
✓Web page ✓Pc repair
Tel.5880950-7438585

Servicio pa Comunidad

Telefon di Emergencia

Number di emergencia 911
Polis 100
Brandweer 582-1108
Ambulance O'stad 582-1234
Ambulance S.N. 584-5050
Hospital 587-4300
Centro Medico 584- 8833

Botica na Warda

Pabou di Brug: Eagle
Pariba di Brug: San Lucas

Dokter na Warda

Pabou di Brug: dr.
Pariba di Brug: dr.

Otro Servicionan

Setar Info 118
Digicel Info 145
Setar 582-5151
Elmar 52-37100
WEB 525-4600
Serlimar 584-6456
Rode Kruis Aruba 582-2219
FADA 583-2999
AA/NA helpline 583-8989
Fund. Abuso Sexual 582-4433
Fundacion Guia'mi 587-1677
Fund. Muher den Dificultad 583-5400
Fund. Tel. Pa Hubentud 131 588-6138
Accion Rescate 584-2718
Centro Kibrahacha 588-3131

Polis

Polis Tipline 11141
Oranjestad. 582-4000
San Nicolas 584-5000
Savaneta 584-7000
Santa Cruz 527-2900
Noord 587-0009
Strandpolitie 586-3003
Balashi 585-2500
Aeropuerto 582-4800
Aruba Transfer Tour & Taxi 583-2856 582-2116
Best Taxi Services 588-3232
Coop. Ver. Tas 587-5900
ATS 583-5361
Arugas 585-1198
S.O.S. Teleayudo 583-1190

EDITA PA: The Media Group,
Margrietstraat 3, Oranjestad, Aruba,
tel. (297) 583-1400, fax. (297) 5831444,
E-mail: noticia@awemainta.com.

CUENTA DI BANCO:
C.M.B. #229- 82600.

ORA DI OFICINA: Dialuna pa Diabierna
8 a.m. - 5 p.m.

IMPRENTA: Imprenta Nacional Arubano.
DIRECTOR: Victor "Toko" Winklaar & Victor R Winklaar.

REDACCION: noticia@awemainta.com.
BENTA DI AVISO: sales@awemainta.com

Resultado di Loteria

LOTTO CATOCHI

0366

9374

7435

ZODIAC

2656 Capricornio

BIG FOUR

9798

SUPER FOUR

8791

LOTTO PA DEPORTE 01-02-09-17-27

DIARIO

7649

5724

7614

CORSOW

1483

1674

3773



Doño di cacho ta manda auto riba victima

E muher A.A naci na Santo Domingo, di 44 aña, ta bay warda di polis na San Nicolas dialuna 4.30 di atardi, y ta pidi polis pa intermediacion. A.A. ta bisa polis cu dia 20 di augustus, un cacho a atake na Pos Chikito. E ta bisa cu el a coy un cacho pa manda e cacho cune.

E doño di e cacho a coy un piedra y a dal'e cune. Segun A.A. a bisa polis cu el a coy un palo di basora y a dal e doño di e cacho cune. E ta bisa cu dialuna mainta 10'or e tabata cana banda di un supermercado na Sabana Basora, el a mira e señora doño di e cacho den un auto y el a core bin den su direccion.

Segun A.A. a bisa polis cu e mester a bula pa no wordo gedal p'e auto. Polis a bay n'e cas na di e señora, pero no tabatin ningun hende na cas.



Nos e-mail:
noticia@awemainta.com
Tel: 583-1400
Fax: 583-1444

54% di empresanan ta prohibo nan empleadonan pa usa Facebook y Twitter

UN encuesta realiza recientemente na Merca a revela cu, actualmente, e rednan social mas popular Twitter, LinkedIN, MySpace y Facebook, tin acceso restringi den 5 di cada 10 compania di e pais.

E trabou realiza pa un compania dedica na personal di mundo di tecnologia, tambe a revela otro datonan: 19% di e companianan ta permiti e udo di rednan social, pero solamente cu proposito estrictamente comercial; mientras cu 16% tambe ta acepta un uso personal aunke limita.

E trabou di investigacion a wordo realiza pa medio di cuestionarionan manda na e responsabelnan di tecnologia (CIO) di cerca di 1400 compania di tur tamaño. Y solamente 10%

di e encuestadonan telefonicamente a acepta cu nan empleado tin acceso completo na e rednan social durante e oranan di e dia laboral.

Entre e motibonan di e tipo di restriccionnan aki ta aparece un clasico: "usa rednan social por distrae e atencion di e empleadonan di asuntonan laboral prioritario".

Mientras tanto, tin un controversia acerca di si e uso di e tipo di sitenan aki ta contribui of disminui e productividad laboral. Por ehempel un encuesta recien realiza pa e compania Nucleus a revela cu e productividad di e empleadonan cu ta accede den forma total na Facebook for di nan lugar di trabou ta cay, den promedio cu 1,5%.





Cumana 76
 Oranjestad, Aruba
 Tel: 588-6699
 Fax: 588-6698
 Cel : 593-0857 / 560-1403

Gradicimento y Invitacion

Na number di su rumannan y demás famia nos ta gradici tur esnan cu a acompaña nos durante di enfermedad, fayecimento y entierro di:



Sr. Louis Martinus Werleman
"Wichi"

Un danki ta bay na tur esnan cu a manda krans, telegram y yamadanan telefónico.

Un danki special na Dr. Eddy Falconi y Dr. Cassares, Verpleegsternan di Dr. Horacio Oduber Hospital y tambe Aurora Funeral Home pa nan bon servicio.

Alavez nos ta participa cu lo tin un santo sacrificio di misa pa descanso di alma di nos defunto stima, cual lo tuma lugar:

Diasabra 24 di oktober pa 7:00 'or di anochi na misa Immaculata Concepción na St. Cruz.

Boso presencia lo ta altamente aprecia.

Famia Werleman

TIPO DI CAMBIO OFICIAL

Valido pa 20 October 2009

Placa Extranhero	Bank Papieren	Wisselen, Cheque Reis Cheque en Over Boeking	Benta na Publico
US Dollar	1.77	1.78	1.80
CAN Dollar	1.71	1.73	1.75
Engelse Pond Sterling	2.84	2.89	2.95
Zwitserse Frank per CHF. 100	176.10	176.82	177.62
Ned.Ant. Gulden per ANG. 100	98.00	100.00 biljetten chq./overboeking	100.20 100.00
Japanse yen per JPY. 10.000	194.96	196.74	198.72
Euro per XEU. 100	263.2	266.64	269.32



Provision di Devisa 1.3%
 Segun articulo 12 di Afkondigingsblad di Aruba 1991 nr.GT 32.
 Banco Central di Aruba ta defini e tipo di cambio oficial pa e cambianan di placa extranhero.


BANCO DI CARIBE

Victima di mordi di cacho, no a haya gastonan paga

DIALUNA e señora, kende recientemente a wordo mordi pa un cacho, a bay warda di polis di San Nicolas, y ta pidi polis pa intermedia p'e haya e placa cu e doño di e cacho mester a pagar.

E ta bisa polis cu dia cu e cacho a morde,


t'e doño mes a kita e cacho di riba dje, y tambe a hibe poli pa tratamiento. Polis a bay papia cu e doño C.W naci na Aruba di 46 aña, y e ta para riba cu e kier haya declaracion di dokter pa sa sigur cu e herida ta di e cacho, prome cu e paga.



Mementomori Funeral Home N.V.
Yolanda - Leo - Eugene
Tel: 5833358 - Fax: 5837711

" Laga tur locual, cu ta sperami ta bunita,
Laga tur locual, cu mi encontra na caminda ta bunita,
Laga tur locual, cu ta rondonami ta bunita
Laga tur locual mi ta laga'tras keda bunita
y laga esakinan termina den tur buniteza. "
Cado Wever

Cu inmenso tristeza na nos curazon, nos ta participa fayecimento di:



Roman Croes
mihor conoci como: “Tachi” of “Ro”
29 maart 1926 - 20 october 2009

Na number di su:

Esposa: sra. Marie “Shon Marie” Croes-Maduro

Yiunan: Sinda Croes y famia
Ephrem y Linda Croes y famia
Michael y Mayra Croes y famia
Calo y Frances “Nani” Croes y famia
Ricky y Xiomara Croes y famia
Henry y Daisy Croes y famia

Mescos cu yiu: Anthony y Violeta Maduro y famia


Nieto(a)nan: Gino Kelly na Belgica
Fred y Gianina Davis na Merca
Ellen Croes na Hulanda
Rhamsey y Renate Croes na Hulanda
Gerrit Croes
Angelo y Nicole Croes
Jeniffer y Jairo Croes-Oduber y famia
Carina Croes y famia
Carolina y Eldrick Croes-Panneflek y famia
Caldrick Croes y famia
Jhendrick y Jhennelly y Alexa Croes
Emma Croes

Bisanieto(a)nan: Denzil, Xiarah, Tizianne, Lamebert, Soliree, Tianna, Matthew

Rumannan: † Jacobo y † Maca Croes y famia
† Nicolaas y Guillermina Croes y famia
† Rosa y † Goy Koolman y famia
† Finchie y † Daniel Koolman y famia
† Mito y Mai Rasmijn y famia
† Olindo y † Linda Croes y famia

Swa y cuñanan: sr. Efraim “Fein” Maduro y famia
sra.vda. Luisa Muller
sr. Dominico y Clarita Kelly y famia
† Luisa Maduro y famia
sr. Janny y Chichia Maduro y famia
sr. Emilio y Ana Maduro y famia
sra.vda. Linda de Castro y famia
sr. Francisco y Betty Tromp y famia
sr. Jorge Maduro y famia
sra. Yvonne Maduro y famia
sra. Glanda Maduro y famia


Famia: Croes, Maduro, Ras, Leon, Tromo, Muller, De Castro, Koolman, Rasmijn, Oduber, de Cuba, Panneflek, Williams, Samson y demas famia ta invita tur amigo, bisiña y conoci pa asisti na e acto di entierro cual ta tuma lugar diabierna 23 di October 2009 pa 4’or di



Mementomori Funeral Home N.V.
Yolanda - Leo - Eugene
Tel: 5833358 - Fax: 5837711

" Laga tur locual, cu ta sperami ta bunita,
Laga tur locual, cu mi encontra na caminda ta bunita,
Laga tur locual, cu ta rondonami ta bunita
Laga tur locual mi ta laga'tras keda bunita
y laga esakinan termina den tur buniteza. "
Cado Wever

Cu inmenso tristeza na nos curazon, nos ta participa fayecimento di:



Rina Irena Martinus-Soliana
mihor conoci como: "Mami" of "Mama Nina"
na edad di 56 aña

Na number di su:

Esposo: Dominico Martinus

Yiunan: Angeline, Frans Conquet y famia
Shanata Martinus y yiu
Bianca Martinus
† Joslyn Martinus

Mama di su nietonan: Sheila Werleman

Rumannan: sra.vda. Filomena Richardson y yiunan
Anna Maria y Remo Ras y yiunan
Yolanda Soliana y yiunan
Imelda y Erwin Statie y yiunan
Ronny Soliana y Mercedes Lampe y yiunan
Oslin Soliana y Sonia Klaver y yiunan
Papito y Sharon Soliana y yiunan
Jacqueline y Erwin Goyla y yiunan
Reina Vrolijk
Jeanny y Oscar Vidal y yuiunan

Nieto y nietanan stima: Ashline y Angelle Conquete
Sharina Martinus
Mary-Ann, Thaishia, Glen-Lee, Toby Martinus,
Joslenny Werleman


Swa y cuñanan: Benito Martinus y famia
Marieta Croes y famia
Magda Tromp y famia
Juan Martinus y famia
Altagracia Ruiz
Lourdes Martinus y famia
Edwin Chirino y famia

Tanta di respet y madrina: sra.vda. Carmen Hoek y famia
sra.vda. Edita Hoek y famia

Famia: Martinus, Solina, Werleman, Conquette, Croes, Ruiz, Tromp, Chirino, Hoek, Ras, Starie, Goyla, Vrolijk, Vidaal, Rosado, de Cuba, Almpe, Orman, Erasmijn, Martina, Alexander, Jansen, Hellement, Lopez, Lacle, Mata, Mohan, Richardson, Mathilda, Gomez, Klaver, Moscat Santana, Raaz, Todd, Mingués, Henriquez, Odor, Vasquez, Martinez, Marquez, Maduro, Toppenberg, Windstrer, Elizabeth, Peterz, Kelly, Ramada, Giel y demas famia ta invita tur amigo, bisiña y conoci pa asisti na e acto di entierro cual dia y ora lo wordo anuncia despues.

Adres pa condolencia: Lucerostraat 9
di 7’or pa 9’or di anochi


Nos kier a pidi nos disculpa si nos por a lubida un of otro famia den nos tristeza.



Mementomori Funeral Home N.V.
Yolanda - Leo - Eugene
Tel: 5833358 - Fax: 5837711

" Laga tur locual, cu ta sperami ta bunita,
Laga tur locual, cu mi encontra na caminda ta bunita,
Laga tur locual, cu ta rondonami ta bunita
Laga tur locual mi ta laga'tras keda bunita
y laga esakinan termina den tur buniteza. "
Cado Wever

Cu inmenso tristesa, pero conforme cu boluntad di Dios, nos ta anuncia fayecimento cristianamente di:



Rosa Filomena Lacle
mihor conoci como Rosa
5 october 1943 – 20 october 2009

Na number di su rumannan: Buchi y Rita Lacle-Kelly
Margarita Lacle
Fifi Lacle
Jan y Isabel Lacle-Silvera

Sobrinonan: Harold y Jane Lacle-Figaroa
Ivo Lacle y Maria Smith
Giovanni y Sulayka Lacle-Tromp
Jairo Lacle
Paulus y Ternura Lacle-Ortin

Sobresobrinonan: Ivelie, Ivmar, Stephany, Paula y Thalía Lacle
Miriam Bareño
Natalie Naar

Madrina: Rosa Croes

Tur su primo y primanan stima, acto primo y acto primanan, su bon bisiñanan y demas familia Lacle, Maduro, Kelly, Silvera, Figaroa, Bareño, Naar, Tromp, Ortin, Briezen, Winterdaal, de Mei, Croes, Dijkhoff, Henriquez, Arends, Vrolijk, Trimon, Ras, Geerman, Wolff, Zievinger, Richardson, Mejia, Boekhoudt, Rib, Carrasquero y Flores ta invita pa e acto di entierro cual ta tuma lugar **Diabierna 23 di October 2009 pa 4’or di atardi**, saliendo for di **misa Sta. Filomena** pa **Santana Pastoor Kraanwinkel na Paradera**. E restonan mortal di Rosa lo ta reposa for di **2’or den Misa Sta. Filomena na Paradera**.

Ocashon pa condoleer: Diaranson y Diahuebs 21 y 22 di oktober for di 7’or pa 9’or di anochi na cas Seroe Lopes no. 7

Relato di Banco Central pa luna di augustus a muestra di ta bastante positivo pa Aruba

SEGUN e resumen di e relato mensual pa augustus 2009 di Banco Central di Aruba, den e ultimo 12 lunanan, prijsnan na Aruba a baha cu 0.4 punto di porcentahe compara cu Merca, e partner comercial principal di Aruba.

Esaki ta un mehoracion p'e posicion competitivo di Aruba. Notable ta cu pa prome biaha desde november 2005, e inflacion na Aruba tabata mas abao cu esun di Merca, atribui n'e caidan den prijs na Aruba. Augustus 2009 a muestra un deflacion di 4.7 por ciento, cual ta un desaroyo cu a inicia na december 2008. Similar n'esaki por wordo nota cu na september 2009 a registra un deflacion di 3.7 por ciento. E bahada den prijs na augustus y september 2009 a wordo ocasiona mas tanto p'e bahada di e tarificanan di awa y coriente, como tambe prijs di gasolin.

Cifranan di turismo p'e luna di augustus no a wordo publica ainda. Informacion disponibel pa juli ta muestra un crecimiento di 6.4 por ciento den e cantidad di turista cu a bishita nos isla.

Tambe e cantidad di anochi cu nan a permanece riba nos isla a subi, pero menos liher (+5.6 por ciento).

Den augustus 2009, e entrada real di turismo a aumenta cu 1.8 por ciento p'e di tres luna consecutivo. E cantidad di turistanan crucero a crece cu 36.4 por ciento, mientras e cantidad di barco cu a yega Aruba a subi di 3 pa 8.

Den augustus 2009 e entrada total di Gobierno a disminui cu Afl. 6.2 miyon te na Afl. 84.2 miyon, compara cu augustus 2008. Esaki t'e resultado di un caida den entrada di impuesto (specialmente e impuesto di sucesion) cual a wordo parcialmente mitiga pa un aumento den e entrada no-relata na impuesto. Riba un base acumulativo, e entrada total di impuesto den 2009 a baha cu Afl. 57.5 miyon of 8.7 por ciento.

E entrada real di impuesto riba benta di negoshi (BBO), cual ta un indicador di produccion di nos isla, a subi cu 9.8 por ciento compara cu augustus 2008. E cifranan aki ta basa riba BBO cobra na september, reflehando



principalmente volumen di benta genera e luna anterior.

E cantidad di placa den circulacion a subi cu Afl. 7.2 miyon te na Afl. 3,091.5 miyon na augustus 2009. Esaki tabata e resultado di un aumento den e fluho neto di fondo for di exterior di Afl. 12.9 miyon, cual parcialmente a wordo

mitiga pa un bahada den e activo domestico neto di Afl. 5.8 miyon. Consecuentemente, e reserva di divisa a subi te na Afl. 1,432.5 miyon na final di augustus 2009.

E caida den e activo domestico neto a wordo causa primordialmente dor di un bahada di Afl. 5.3 miyon den transaccionnan

no relata na credito. Ademá, credito bancario n'e sector priva a mengua cu Afl. 4.7 miyon a consecuencia di un contraccion den credito na empresanan. Contrario n'esaki, pasivo neto di e sector bancario na Gobierno a disminui cu Afl. 4.2 miyon, a consecuencia di contraccion den ambos depositonan di fondonan di desaroyo y Gobierno.

“Made in Aruba by Volkskredietbank”

DIA 11 di september 2009 pa 11 or di mainta tabatin un ceremonia chiquito na Volkskredietbank van Aruba caminda notario mr. Ralph E. Yarzagaray tabata presente pa pasa un acta hypothecario den presencia di Ministro di Labor, Cultura y Deporte, Ramon Lee. E acta aki t'e prome prestamo hypothecario cu Volkskredietbank van Aruba ta duna den su historia. Den pasado prome cu Status Aparte Volkskredietbank tabata funciona bao di un dak hunto cu Bouwcredietbank van de Nederlandse Antillen caminda Bouwcredietbank tabata duna prestamo hypothecario y Volkskredietbank prestamo personal. Pa motibonan di hopi

problema financiero n'e filial di mas grandi na Corsow e tempo aya a dicidi di termina e funcionamiento di Bouwcredietbank van de Nederlandse Antillen. Aruba despues di Status Aparte a dicidi di laga Volkskredietbank so sigui existi. Semper a keda sinti e necesidad pa cu Volkskredietbank por complementa su prestamonan personal cu prestamo di hypotheca tambe y e plannan pa hypotheca tabatey warda pa hopi tempo. Den añanan 1994 - 1998 a prepara y realiza un reorganizacion di e banco pa banco por keda existi financieramente saludabel y asina a sigui aumenta su capital cu propio forza den transcurso

di tempo. Ora sr. Ramon Lee a bira Minister encarga cu Volkskredietbank y a tuma nota di e plannan aki a sostene esakinan totalmente. Tabata necesario un cambio di ley, cu a wordo realiza na final di 2007 y tambe e Structura Administrativo y naturalmente e capital necesario. Awor cu tur cos ta cla y e prome acta a pasa. Mester remarca cu tur trabao a wordo haci dor di nos profesionalnan local mes no tabatin ningun necesidad di busca experto di ningun caminda pafo di Aruba y asina exporta divisa di nos pais. Tambe mayoria di trabao a sosode “in house” na Volkskredietbank dor di empleado-ambtenaarnan mes



pa tene tur gasto minimo p'e fiadornan chiquito. Y e capital cu Volkskredietbank ta atrae riba forza propio, sin intermediacion ni comision pa ningun banco o fundacion comercial. E capital ta bin di

fondonan na Aruba mes. E corto tur cos ta “Made in Aruba by Volkskredietbank”. Ramon Lee ta hopi satisfecho di por mira realisacion di esaki hunto cu e team di Volkskredietbank.

FAVI su Openhouse y Koffiemorgen tabata exitoso

DIADOMINGO, 18 di october ultimo na Primavera 233, FAVI tabatin un openhouse combina cu un koffiemorgen.

E mainta aki tabata masha interesante especialmente p'esnan cu no tabata conoce FAVI ainda. Varios persona a experencia canamento cu e garoti blanco, come y bebe cu wowo completamente tapa y asina sinti con un persona cu limitacion visual ta pasa dor di algun di su actividadnan di bida diario.

Tur hende cu a bishita FAVI a admira e manera con e clientenan ciego y tambe esnan cu bista limita ta traha obra di man masha bunita di pitriet, macramé y tambe precioso flornan di tela of crepepapier.

Banda di wak e clientenan haci fitness y traha riba computer, tabata hopi interesante pa wak con un persona cu limitacion visual ta cushina haciendo uso di medionan auxiliar y tambe adaptacion special of simplemente riba midi natural.

Mirando cu FAVI no ta solamente pa hende di edad so, cliente hoben y baby tambe tabata presente durante di e openhouse/koffiemorgen. Clientenan di tur edad di un manera of otro a yuda durante di e openhouse aki.

Optica Oduber & Kan a midi presion di wowo di hopi bishitante y a duna nan conseho necesario.

FAVI a bende mas cu 400 carchi p'e koffiemorgen y tur hende tabatin e oportunidad pa cumpra algo di come of bebe for di e bar y cushina cu tabata bon surti. Musica tabata dor di un cliente di FAVI mes y muchanan chikito cu a bishita e openhouse por a bula den Dino Jump mientras cu nan mayornan tabata canando rond den e edificio.

FAVI ta termina e articulo aki gradiciendo tur esnan cu a bishita FAVI durante su openhouse y koffiemorgen y tambe tur esnan cu di un manera of otro a colabora p'e diadomingo mainta aki tabata uno exitoso.

